



15
1301
7



門イ5
號1301
卷7

唐文拾遺卷之十七

榮祿大夫三品頂戴前分巡廣東高廉道加四級臣陸心源輯

宋務光

全唐文二百六十八有傳

請建都督議

漢氏懲周之弊矯秦之失初置刺史十三州任用得賢海內稱治國家下明詔發德音憫黎元修古法而拘文牽俗之黨誼然以爲非期破其議或云權歸於下或以授非其人遂令方牧拜而未行朝典疑而將寢不其惜歟且授非其才可詳擇權歸於下未之

昭和十年
二月四日
購求

前聞且率計天下三百餘州矣今補二十四都督物
議以爲未可則良二千石安得三百餘人耶苟不賢
則百姓怨而和氣傷比者雨旱不調未必不由此可
建之理一也巡察使人數年一出馳軒按俗往復如
飛夫隱慝潛過朋執不能知矣况使者車不停軌而
能郡縣攘訟遏獄乎設有舉按多不周悉使車朝返
姦吏夕生而訟者亦不全其軀命矣都督則不然久
於其職無得苟且歲時巡按物無竄情行者無遠詣
之勞貪者有終身之懼方伯以委之御史以按之至
愚之人猶知自勉况朝廷妙選乎可建之理二也秦

人以役煩流禍豈監郡之過耶漢室以外氏專寵豈
刺舉之罪耶古有明徵事無深惑可建之理三也今
長吏貪冒百姓流亡職所以安之者衆矣而多未安
近時之要在興古制此又持疑蒼生何望所願率而
行之以俟成績

唐會要
六十八

紀履忠

履忠萬歲通天中監察御史

糾來俊臣五犯奏

御史中丞來俊臣犯狀有五焉一專擅國權二謀害
良善三贓賄貪濁四失義背禮五淫昏狼戾論茲五

罪合至萬死請下獄治罪

唐會要六十一

張庭珪

全唐文二百六十九有傳

請重選十道巡察使奏

天下至大郡邑至多賢牧良宰誠難盡得兼下僚貪暴小吏侵漁黎庶不安窮困衆矣縱其發使廉問暫往速還假申今冤却招後患各思鉗口無敢率心臣竊見國家比置十道按察使不限年月懲惡勸善激濁揚清孤窮獲安風俗一變伏望復下明制重選使臣秋冬之後令出巡察自然貪吏望風懲革陛下視

聽恒遍于海內矣

唐會要七十七

徐堅

全唐文二百七十二有傳

救羣月將疏

月將誣搆良善故違制命準其情狀誠合嚴誅但今朱夏在辰天道生長卽從明戮有乖時令謹按月令夏行秋令則丘隰水潦禾稼不熟陛下誕膺靈命中興聖圖將弘義軒之風以光史策之美豈可非時行戮致傷和氣哉君舉必書將何以訓伏願詳依國典許至秋分則知恤刑之規冠於千載哀矜之惠洽乎

四海吳興藝文補

崔沔

全唐文二百七十三有傳

謝恩慰喻表

臣某言伏奉某月日敕書慰問跪捧抃躍不勝感戴

臣某中謝臣東鄙孤賤名節未立北州述職績用無

聞誠愧王尊傾河羨溢德慚呂望恒雨霧霑加以擅散國儲輒違常憲權稽兵賦不會嚴程雖事切憂人而跡冒平法鞫躬夕惕側足屏營伏待刑書豈期恩命陛下明逾日月施重丘山察求瘼之心弛慢公之

責紫泥佳命降自雲霄玄澤殊私旁沾草木振窮之際散發廩之深憊極溺之辰矜泛舟之小惠恤下諸吏咸之向方徒役征夫卒獲寧止猥承天造安敢名言徒誓微軀何能答效臣某限以守職不獲蹈舞闕庭無任文苑英華五百九十七

議州縣官月料錢狀

按此文唐會要九十一作崔沔文見全唐文

三百四

劉知幾

全唐文二百七十四有傳

請節私恩奏

臣聞君不虛授臣無虛受授受無失是曰能官又曰
妄受不爲忠妄施不爲惠皆聖賢之通論也惟漢世
有賜爵一級恩澤封侯此乃曠古殊恩千載一遇非
是頻煩渥澤每歲常行者也今皇家始自文明迄於
證聖其間不過十餘年耳海內具寮九品以上每歲
逢赦必賜階勲無功獲賞徼倖實深其釐務當官尸
素尤衆每論說官途規求仕進不希考第取達唯擬
遭遇便遷或言少一品未脫碧衣待一階方被朱服
遂乃早求笏帶先辦衫袍今日御則天門必是加勲

一轉明日饗宣陽觀多應賜給一班旣而如願果諧
依期必獲得之者自謂己力受之者不以爲慚至於
朝野宴聚公私集會緋服衆於青袍象板多於木笏
望自今後稍節私恩使士林載清人倫有敘

唐會要
卷八十

請節赦奏

臣聞小不忍亂大謀小仁者大仁之賊竊以赦之爲
用復何益于國哉若乃皇業權輿天地初闢嗣君卽
位黎元更始則時藉非常之慶申以再造之恩必求
之政術猶爲未允况乃時非變革代屬清平而輒降

卷十七
五
彼謬恩原茲罪罰者乎是以歷觀夙古兩漢舊事匡
衡儒學之俊才吳漢弼諧之碩輔至於讜言規主惟
願勿赦劉先主亦嘗謂諸葛亮曰我周旋陳元方鄭
康成間每見啟告理亂之道備矣曾不言赦也若劉
景升季玉父子歲歲赦宥何益於理及後主嗣業蜀
赦漸多故孟光於衆中責費禕曰夫赦者偏枯之物
非明世所宜有也今主上仁賢百寮稱職有何旦夕
之急而數惠奸宄之徒上違天時下違人理豈具瞻
之美所望於明德哉自是蜀政凌遲浸以彫弊自皇
家受命赦宥之澤可謂多矣近則一年再降遠則每

歲無遺至若違法悖禮之徒無賴不仁之輩編戶則
敝攘爲業當官則贓賄是求莫不公然故犯了無疑
憚設使身嬰桎梏跡窘狴牢而元日之朝指期天澤
重陽之節伫降皇恩如其忖度咸果釋免且下愚不
移習性難改雖頻煩肆筴每放自新而見利忘義終
焉不易用使俗多頑悖時罕廉隅爲善者不沐恩光
作惡者獨承僥倖若乃方正直言之士守善嫉惡之
夫每欲覽轡埋輪效鷹鷂而報國褰帷露冕去蝥賊
以安人而遇赦無以效其功閱恩無所施其巧古語
云小人之幸君子不幸其斯之謂也伏望遠覽匡吳

陳鄭之說近等劉葛費孟之談而今而後頗節於赦
唐會要
卷四十

盧懷慎

全唐文二百七十五有傳

諫置景雲翊聖寺奏

伏准去年閏九月十三日勅宜于兩京及荆揚益蒲
等州各置景雲翊聖等觀圖樣內候農隙起作者近
聞所在已有起作率計一觀將數萬功併而言之爲
役凡幾日計未見其損歲終或受其弊謹據元勅重

人遵道式稽老氏無爲者養神亦何在其速就哉又
令云日短至可以伐木今孟夏而採斫林藪天害昆
蟲旣違順時之宜且非好生之義夫修建塔廟不在
朝夕務茲稼穡如救水火安可急其所聞有妨農要
伏望天恩重申前勅使移此功力咸勤播殖待及有
秋式遵揆日又諸州申請欲用當處官錢旣達成規
亦不可允

唐會要
卷五十

閻立德

名讓以字行立本兄拜將作大匠護治獻陵歷工部
尚書爵大安縣公卒諡曰康

請除元宮棧道奏

元宮棧道本留擬有今日今既始終永畢與前事不同謹按故事惟寢宮安供養奉之法而無陵上侍衛之儀望除棧道固同山岳

唐會要卷二十

九室五室奏

兩儀不同俱有典故九室似閻五室似明取捨之宜

斷在聖意

唐會要卷十一

薛昭諷

昭諷中宗時為太子中允

復斜封官奏

先朝所授斜封官恩命已布而姚元之宋璟等沮先帝之明歸怨陛下道路謗讟天下稱冤奈何與萬人為仇敵恐有非常之變

唐會要六十七

韋方質

方質光宅初為鳳閣侍郎遷地官尚書俄為酷吏所陷流死儋州神龍初復官爵

御史不可監軍奏

舊制有御史監軍今未差遣恐虧失節度夫古將軍出師君授之鈇鉞闔外之事皆使裁之如聞被御史監軍乃有控制軍中小大之事皆須承稟非所以委

專征也以卑制尊禮便不可

唐會要六十二

薛稷

全唐文二百七十五有傳

夏熱帖

夏熱體中復何如廿八日遣書至魏十三兄處今早
信還聞奉九姑已過揚州追問不及極馳情也六月
中旬當使伯陽注省不審路遠得息肩未稷再拜

鄭萬英

萬英高宗朝元氏縣丞

大唐信法寺彌陀象碑

原夫有或染性之初無明住地之始家犬羸而易遣
野鹿柔而尙馴暨乎結賊締交俄成六十有二愛魔
乘便終爲八万四千生死之業旣殷輪迴之勞詎息
悠悠六趣積骨踰乎嵩華擾擾四生洩淚擬乎溟海
旣橫流於欲水亦奔駭於嗔口掇憂期於啟聖拯溺
口乎深口若乃五眼傍羅知見之功已大三身光被
攝受之道斯弘藹藹玄猷禪慧爲其力用堂堂相好
慈忍爲其風骨畢竟清淨識法海之常流口性員明
知佛日之恒照何則法本不然非雙林之所能滅空
卽是色豈千母之所能生斯乃具相歸無唯識假有

示變鳥而非去乘夢鳥而無來故能奄有十方遂荒
三界或□或實且俗且真矧□智莫之闕睿辯所不
測豈與夫繙經演□發其優劣者哉是以龍象具瞻
釋梵歸仰巍巍蕩蕩無得而稱至如慧刃霜飛解疑
航之愛□智□風舉摧怖畏之坯餅遂使闍主蠲疾
於身心難陀脫屣於妻子不其然歟信法寺者比邱
尼釋解□□所存也泯川灌其□叢臺峙其南原野
阡眠室宇膠葛士韞斷金之奇意女呈如玉之華姿
有列仙之□風居全趙之勝地處窮巷而非隘迫廊
里而非諠不豐不陋不□不野合至道之要妙據方

便之帔剝誦誦法侶俗定水而去猿心濟濟仙儀擢
虛舟而昇慧岸清風將梵響爭流芳芷與香雲競馥
夜鐸吟鸞鳳之曲曉幡曳虹蜺之影徘徊四照含白
露而揚輝霍靡九衢掩蘭蕙而矜色於是祁祁士女
習習紈素憧憧不絕井井相仍咸淨七枝俱捐三毒
解疑釋累叩鴻鐘而不窮虛往實歸酌衢樽而靡竭
雖目連駭儀而改服斯邨聞戒而歸虔無以過也□
□太虛均然造物神功遐暢德澤其二儀潛運冥化
與七曜齊光播五禮以移風扇六樂而成俗太宗文
皇帝重光御極體睿凝圖始自憂勤寧羣飛於海外

賜之仁壽拯塗炭於寰中甦裘板屋之酋入提封而
請吏雕題鏤角之長屨郊甸以相趨蠢爾三韓不供
貢職肆梟鏡於君主施鳩毒於蒸黎士庶憂惶道路
以目旣軼納隍之慮爰□□□怒爾乃親弘廟□
問罪遼東義勇爭先水陸齊舉柱國李□徵都維那
飛騎尉杜遺願合應募一百人等懷忠應募奮銳□
□被組練之衣參熊羆之旅雖以王者之師有征無
戰而蠶蠶有毒□或兵凶遂乃同德同心願造彌陀
像一鋪旣而登之采以電過跨渤海而天臨一戰搴
旗風前水泮擒鑿齒於華野繳大風於青邱刻琬琰

於□□飲驂騶於淵渚元氏縣一百人等並推鋒於
□許之地賈勇於先鳴之晨厠邱山之隆賞預川坻
之嘉會名節書於王府勲庸被於管絃竟免數於髮
□終不離於霧露豈知幽明叶贊神功不測者乎於
是思報慈恩咸申本願傍求斑爾嗣彼優填摹寫真
容極茲神變員光共□輪同照□□與齒齒俱青丹
唇紺髮之表紫□白珂之色丈六顯其尊儀一豪摘
其勝相瑤池沆瀣旣控法流寶樹參差還生淨果淒
清鶴奏舍□吹而方清搖曳蜺裳亂瑤雲而且至皇
皇侍衛旃檀爲貞實之林弈弈仙宮琉璃爲觀止之

地莫不覩相增善結願往生低頭而入正定舉手而成佛道趙州刺史李振長史潘祐司馬韋愨並衣冠屑胄嶽瀆英靈有四序之和風贊六條之善政鈞距旣設則下吏不欺驥足風驅則上京馳譽元氏縣令李守節源流濬遠地望清華標略千刃漪瀾萬頃和如琴瑟簡類亨鮮水鏡爲心冰霜成操琅琅高致月旦與瓊佩齊聲亭亭孤竦歲暮將寒松比色不可得而不可得而疎寺主比丘尼通達上坐曇叡都維郵員應員意等並渴仰大乘征營不罪合募人等咸眞除心垢耨耨身田莫不異口贊成□□喜惟懼

指薪交謝舟壑潛移形無常主生亦有崖不口鐫勒輝光曷擿乃爲銘曰

實相之相無名之名惟恍惟忽非色非口不來不去誰滅誰生彼宅火宅斯城化城至矣能仁猗歟善逝救焚拯溺通幽起滯旣達性源還依本際佛日長朗□□□五都勝地列有攸口招提載起飛堯綺錯更似菴園還同奈閣方傳法教恒流聖鐸明明口帝還宅神州蠢茲匪卉不率王猷爰以□□屈于青邱霜鋒暫舉渤澥安流無言不讎無德不報矧乃先覺人天善導幽贊之功吁于口到傍求八絕摹茲十號

神威抑抑□相堂堂日華蓮淨豪流雪光池含瑤碧
樹挺琳琅淒清鶴奏搖曳□裳□□循佐彬彬良良
撫勁松柏□芳附蒞大功丕立勝因□仁或□盛□
間歸法海□□虛假四相遷移寒暑遞進日月交馳
□此頌美文不在斯式刊貞石永樹豐碑

常山貞石志

龐行基

行基垂拱中人

大唐故上護軍龐府君墓誌銘

并序

君諱德威字二哥南安人也管三方鼎峙王道申其
爪牙六國權衡霸圖重其謀略泉源濬極遠派靈長

擢榦扶疏修條菀茂公卽其後也曾祖隆周任益州
司倉參軍事贊分符於玉壘佐剖竹於銅梁仁教以
之傍融政化因而遠被祖慶隨任潞州上黨縣承德
宇奇廓器量淹深百里仰其成規一同資其善政父
師隨任廣州司馬嘉謨自蘊妙善非因灑落風煙超
攄雲漢輔分珪於五嶺道洽泣珠之鄉楊別扇於三
湘恩浹落星之境公則器惟瑚連性乃珪璋岐嶷表
其齟年魁岸章其冠歲英姿挺秀天骨標奇立行可
模出言成範明明令德莫測其淺深滔滔雅量詎知
其遠近神機獨運吞鎮北於胸間智略兼人揜征南

於度內深衷海濬壯志山高學盡五車書工八體控
雕弓而屈右落雁啼猿張空拳而啟行批熊拉武往
以三韓未埒鯤壑驚波九種猶迷鼉津駭浪公荷霜
戈而奮武揮星劍以臨戎勇若鱗諸捷如慶忌遂授
公勲官上護軍酬勞効也魯叔敖知履尾之懼不受
楚國之封仲連怯觸鱗之威竟謝齊君之祿公深明
止足之誠遠識無厭之譏乃謝病辭朝自樂馬游之
乘追驩宴友方欣陸賈之田怡怡弟兄恂恂鄉黨不
謂輔人虛設天道無徵二豎纏疴兩楹興歎名香何
在唯增啟足之悲神竈空傳詎免遊魂之怨以乾封

元年十二月十七日寢疾彌留卒乎私第春秋六十
有八琴臺月上水息陽春之音金埒風生誰控桃花
之騎夫人王氏其先太原人也侍中遊覽警魏閣以
流芳將軍卧病開秦基而演慶祖尙隨任銀青光祿
大夫相州長史父暉隨任潞州司倉並珪璋其質松
柏其心處涅不緇凌寒轉翠夫人騰姿月魄稟質坤
靈道冠三從行該四德品搖空之舞雪特妙因風辯
絕響之哥絃懸明第次承巾奉食重德輕蠶禮逾晉
缺之帷義越楚莊之室雖良人瘞質彌軫畫眉之情
而剋已明心以表輕身之詠豈謂百年難續千月易

窮倏奄夜臺俄辭白日以垂拱三年歲次丁亥十月
六日卒乎私第春秋七十有六單鳧獨逝已悽潘子
之懷兩劍雙沈遽切丁君之慮卽以其年十一月辛
酉朔廿二日壬午合葬於四池之側禮也青烏獻兆
寧惟千載之墳白鶴占原自應三台之氣孤子行基
等仰蒼穹而無色辨黃壤以崩心痛結蓼莪哀纏陟
岵恐山迴北壑海變桑田爰紀芳猷式刊貞珍其詞
曰

惟岳降靈惟天降昴誕茲明哲信邦之寶式贊皇基
爰扶帝造功名遂身退天道其一昂昂挺秀鏘鏘雅

士脫略公卿跌宕文史盛德推賢謙撝剋已妙閑韜
略尤明宮徵世曰琳琅時稱杞梓其二易美家人詩光
女則登機成素之田奉食海曲和鳴河洲比翼孝該
籠水慎深攀棘月牖孀帷含貞抱直其三匣中雙劍元
後俱沈泉中瘞玉地下埋金荒郊引霧寒壟凝陰佳
城鬱鬱逝日駸駸一歸窮壤誰明恨心其四石刻

陳文德

文德垂拱中人

唐故朝請大夫陳府君墓誌銘

君諱護穎川人也昔釐降二女唐堯安洪水之災運

卷十七
五
□六奇漢祖免白登之敗其後太邱之長道貫聚星
河朔之才文光倚馬地靈相繼時英不絕曾祖並絕
幹千尋斷山萬仞一簣發贏金之彩五車覽羣玉之
書君姿靈秀氣誕粹冲和澄雅操以霜明照清規而
月舉踐義爲勇履孝成忠漸禮義之膏腴嗣箕裘之
聲訓藏器而逢亂代進德以及明時爰屬義師翬披
誠欵推鋒後殿擐甲先登雕弓挂滿月之輝雄劍耿
長天之色蒙授朝請大夫賞有功也旣而輕忽簪組
踞傲泉石魚山騁望懷子建終焉之心鵬海驚濤養
孟軻浩然之氣惜乎浮生易天七百之壽未階飄忽

難留千月之期行盡以上元元年終于私第春秋一
百有一夫人蔡氏卽以垂拱四年正月廿三日合葬
于□時鄉禮也子文德仰高天而垂弔踏厚地以纏
哀恐舟壑潛移莫辨藤公之室海田斯變不曉原氏
之仟式誌陰溝乃爲銘曰

至矣大君超然不羣事君以敬在家必聞信著朋執
義□仁恩早霑舜雨夙奉堯雲提戈仗劍掃祲除氛
□□□略功橫大勳循路頓阻昭代俄昏落徂光之
□□□長夜之歸魂起寒烟于櫓燧下白露于松門
□□□百代後寧知埋玉此邱墳

石刻

程彥先

彥先長壽中人

大周故處士程先生墓誌銘

并序

先生諱玄景字師朗京兆長安人也若夫道契儒林
季升騰芳於漢日才光俊藪延休播美於晉時故贈
絹傷離夫子仰先生之德橫威絕漠將軍獲武帝之
□由是冠蓋蟬聯風徽不絕長波枯地高構凌天渙
圖史以銘功故可略而言矣祖恭隋朝議郎行涇州
平梁縣令遷蝗感德蹈卓茂之高風屬馬流仁酌羅
含之懿範父敬逸唐大丞相府朝散大夫義旗肇建

率土咸賓裒德錫功授斯散職惟先生風神警悟器
宇虛明清月露於秋天擢風雲於冬日仁能接物孝
以安親三思後行季文子之高志去食存信孔宣父
之清規嵇叔夜許其雅得放曠無爲所翼雲翳孤松
偃霜巖而挺節豈謂風摧六櫃瘞泉石以收榮氣掩
如蘭旣摧年於晞露光沉若木俄促節於驚飈以長
壽三年歲次甲午正月景戌朔五日甲午遘疾終于
群賢里春秋五十有一嗚呼哀哉先生夙崇三業妙
洞一乘然智炬於心田則迷途自朗泛慈航於慾海
則彼岸攸登粵以其月廿二日景午葬於龍首原禮

也有子彥先等趨庭闕訓陟岵無依踐霜露以崩心
庶題珉而紀德其詞曰

崇基磊落清派法汪脂縑傷別捧日承光寒松比操
秋桂同芳卽色非色筌忘蹄忘川舟易往隙駟難停
雲愁偃蓋電激流旌啟黃泉於卜宅掩白日於佳城
歎松門之一閉痛蒿里之長局石刻

柳紹先

紹先景龍中陝縣尉

楊氏合葬殘碑

上缺詠常流非乎高韻自然靈心無閔曷能韶問聯古

垂光不世若是哉府缺讓帝平恩貴威做丹第而封

侯弈業承家淪瀾浸遠莫不□□□金簡炯缺夫興

歎當俟雄飛蕭何以刀筆見稱初猶雌伏祖耀隨滕

王東閣祭酒儀缺禮父神雅有奇節居多勝氣雖簪

璽奪日常泊如也漆園非遁自許逍遙缺蹤生甫初

孩聰而善對孝悌由乎天性仁慈發乎率由自六經

筆削之餘缺有之不習而妙矣貞觀年制授杭州錄

事參軍綱紀六曹風飈四起吳缺恩信察姦邪萊縣

飛鳧時來謁帝中牟乳翟化及遊童豈唯我述冥恩

庸缺隆二年制除恒州司馬城隣代野塞□胡郊俗

負雄邊人多俠氣爰自缺農桑張露冕之風裕題輿
 之績嚴城偃柝偵櫓銷烽家舍鼓腹之歌人有缺戶
 文明年突厥猖狂潛伺竅掠寒膠既折凍水初堅占
 滿月而宵飛漲秋缺城思周靈契馬生則揚煙保穀
 精應無方卒令醜類潛奔兇徒駭散尋除缺佐將謂
 鹽梅利往鼎調餽於槐司簪紱時來節聲明於袞路
 而輔仁徒說缺六月七日寤疾卒於私第春秋六十
 五夫人華陰郡君楊氏赤泉鴻胤朱缺周別生而玉
 度長協金箱奉柔訓以宜家繕榛修而主饋若乃纂
 組之飾缺歲通天二年正月五日春秋七十六卒於

私第子彥協等思極終憂情逾缺禮以景龍三年七
 月十九日合葬於長安縣西龍首原禮也若夫纂撰
 家缺深碑遷山頂而其中有象與恍忽而無窮人莫
 不知貫幽明而獨在者不缺色絲之雄績哀哉俾九
 原之可作知孝心於古石頌曰
 上起乎賢林高丘之陽汝墳之陰時之永矣東箭南
 金二祖肅肅道為君子缺光文史皇考恬素獨酌元
 猷風情隘俗文氣橫秋濯纓滄渚洗耳清流缺傳其
 淑幽蘭作操叢蒼韞卜精動時主人徵象木鶴鳴在
 陰鴻飛于陸缺生綵詞情忘恥過獄去惟疑灾蝗避

境姦吏懲欺我求寺任翩然遙集筆缺靡及北門雄
 鎮南望邊衝戎塵每舉漢甲常逢自從為政亭絕飛
 烽允缺桑是競戶聞耻革家興廉正旋降璽書恭承
 爵命咨運流之何止痛缺已窟碑表徒象光靈永歇
 無復明鏡照春顏唯有霜枝挂秋月石刻

唐文拾遺卷之十八

榮祿大夫三品頂戴前分巡廣東高廉道加四級臣陸心源輯

王昕

昕長安時人

王美暢夫人長孫氏墓誌銘并序

夫人長孫氏河南郡人也七族疏派十姓分源茂緒
 洪宗光輝於圖史通槐烈棘昭絢於縑緗曾祖敞隨
 金紫光祿大夫宗正卿平原郡開國公祖義常唐通
 議大夫華容郡公口名高去病或聲重隱之乍酌貪
 泉口論兵法父朝散大夫懷州河內令瀛州司馬貳



職十城道光於展驥絃歌百里化孚於馴翟夫人蘭
畹傳芳瓊田瀉潤稟三靈之滄粹挺四德之英姿敬
慎禮儀允恭箴訓初算之年適于太原王氏三周既
御百兩言歸琴瑟既諧條枚是則菊銘椒頌燭耀於
心田鶴倚鶴紋發揮於意匠通閨仰其柔範列闔挹
其清猷初別勅拜成安郡君尋除懷德郡君以德昇
榮從夫錫秩既同石窳更似口鄉聖曆元年王府君
止坐槥灾奠楹俄及夫人柏舟靡託葛藟無依志殞
形存景心誓口既而浮休迴薄幹運推遷與善從欺
俄嬰沉痼瓊田靈草重遇無期西域胡香再逢無日

嗚呼哀哉以大足元年六月廿六日薨于汝州私第
春秋五十有四夫人宿植得本深悟法門捨離蓋纏
超出愛網以爲合葬非古何必同墳乃遺令於洛川
合宮縣界龍門山寺側爲空以安神挺子昕等孝窮
地義禮極天經思切風枝哀纏霜露從命則情所未
忍違教則心用荒然乃詢訪通人敬遵遺訓遂以長
安三年梯山鑿道架險穿空構石崇其基斲絮陳其
隙與天地而長固等靈光而巋然乃爲銘曰

口矣洪緒悠哉霸圖遼河建國靈武開都山川演貺
人物英謨其誕斯令德作嬪君子聲茂葛覃道超江

汜調諧琴瑟譽芳蘭芷有洸淑慎無刑愠喜其良人

捐背樛枝靡託遺象窈冥堂隅蕭索閱水波逝虞泉

景薄風勁蘭摧霜霏桂落其三寒驚嶺北日慘山西靈

輻動駕哀輓凝懷松帷露泣柏帳風啼芳徽無泯天

地俱齊其石

馬德表

德表武后時朝議郎行合州司馬

慶林觀銅鐘銘

維大周長安肆年歲次甲辰拾月癸丑朔貳日甲寅

合州慶林觀觀主蒲真應等奉為聖神皇帝陛下敬

造洪鐘一口重肆伯斤普及法界蒼生並同斯福拓本

王安仁

安仁武后朝人

大唐故文林郎王君夫人墓誌銘

并序

夫人雍州乾封人也原夫靈根菴茂秀玉樹之青葱

純派悠長控珠流而浩汗由是聲塵盼蠶冠蓋蟬聯

脩在方冊可略言矣曾祖等並抽芒星緯毓慶雲枝

漸鴻陸而遊天激龍津而運海父義通任秦州上邽

縣令牛刀遊刃武城之譽克隆魚躍享鱸萊蕪之芳

式序積善餘慶信而有徵夫人則柏明府第三女也

驪川孕彩虹浦翹姿藻四德而揚芬劭三從而有裕
年甫十五適于王氏粉繪從鄰之訓財成斷織之規
欽若張葳允釐曹誠所謂蘭閨淑慎襲蘅薄而流芳
豈圖夜臺超忽掩泉扃而禘魄粵以上元元年歲次
甲戌八月戊寅朔廿二日巳亥寢疾終於醴泉里第
春秋七十有一卽以其年八月廿九日權殯于長安
城西一十五里高峰原禮也子安仁等風枝結欵寒
泉增感青鳥演兆猶未耐於重衾黃壚啟隧軫分瑩
於改卜恐丹青歇滅人事推遷爰闡德音式題貞石
其詞曰

龍邱錫祚虹姿絢美猗歟令淑克明終始柔婉自天
徽猷在已丹桂流馥紫蘭貽祉于嗟口範倏掩芳蓀
鵷機網織鸞鏡塵昏風淒隴墜月落山門天長地久

身翳名存 續語堂碑錄

冉元一

元一武后時人

大周故薛府君墓誌銘 并序

公諱剛字 原空 河東人也炎精爽馭土瑞標基山海
沸騰人靈蕩覆君遊弱喪遂爲京兆人焉公之先祖
光華史冊公氣襲冲和姿標孤秀陸沈人隱捐利忘

名而積善無徵俄驚怛化原空年二字口月原空日終于
龍首里第春秋原空旋以其年原空口月原空日葬于長
安龍首原禮也夫人戴氏早喪而夫位居孀婦孤育
稚子卅餘年內不愧心外無慚影衛姜陳婦謝德攀
賢尋以原空年原空月原空日終于懷遠里第春秋
原空即以其年原空月原空日權殯此原也子天謨
等行高曾閔孝答劬勞式遵異室之儀聿奉同衾之
禮粵以久視元年歲次庚子五月己酉朔廿四日壬
午乃遷墳合葬蒼山激溜碧海楊塵勒茲貞石永播
良薰其銘曰

於穆幽靈生爲隱逸聘于戴氏宜其家室齊體合歡
交臂相失今觀雖兩其墳是一永趨玄夜長辭皎日
勒夫珉礎傳乎英實石刻

高延貴

延貴長安時人

石龕造像記

夫悠悠三界俱迷五濁之因蠢蠢四生未窺一乘之
境蒙埃塵於夢幻隔視聽於津梁朝露溘盡前途何
託渤海高延貴卓爾生死超然先覺知滅滅之常樂
識空空之妙理眷茲朽宅思樹法橋敬造石龕阿彌

隋像一鋪具相端嚴真容澄瑩金蓮茵萐如生功德之池寶樹扶疏卽蔭經行之地所願以茲勝業垂此妙因凡應含靈俱昇彼岸長安三年七月十五日敬造石

姚庭筠

庭筠中宗時官右衛郎將宗楚客引爲御史中丞全唐文八百十九有傳

請誅魏元忠奏

臣聞貞觀中兵部尙書侯君集有社稷元勳蒙賜鐵券後與太子承乾謀反法司斷以極法太宗臨朝謂

群臣曰君集有功于國朕將乞其性命公卿等許我乎于時群臣進爭皆云君集擬危社稷天地不容請處斬之以明大法太宗涕泣與訣令依國典斬於四達之衢以謝天下其後房遺愛薛萬徹及齊王祐等作逆雖是懿親皆從國法誅戮今魏元忠與李多祚等結構謀反并男俱入逆徒陛下仁恩欲掩其過臣今訐揚是犯龍鱗忤主意但以事緣宗社豈能希旨不言且元忠功不逮君集又非國戚君集等反形纔見未有兵戈元忠等兵纏紫微圍逼神座今朝廷宣議皆言元忠嬰逆合赤族汙宮在朝廷有朋黨寬救

其惡為飾詐詞以惑聖聽昔宣尼為魯司寇七月誅少正卯臣蒙擢居憲司已經十日不能誅鋤逆黨息朝廷紛議可謂素殮尸祿負陛下鼎鑊之烹願行兩觀之誅以絕四凶之慝

冊府元龜五百二十二

畢彥

彥中宗時鄉貢進士

大唐利州刺史畢公柏堂寺菩提瑞象頌

并序

嘗聞珞界有無生大僊善權多方藏用滅息首出眾聖量涵虛空示色法而缺向有化偃三空而不無窮微極思人徑罕及應求而往莫或階焉自白月啟暉

雙林稅駕優

缺

□以□異或因機以變石或留影以

制龍金蟻神其源白兔祥其末與夫異門同入於樂地缺化由乎覺忍誠信資乎勝根理實然也利州柏

堂寺往居列城州牧攸宅天后聖帝缺於茲宇晉壽

遺黎葭萌古壤錦嶂緣其後凌江達其衝軒檻豐麗

場域閑敞危途緬衍馳驚缺□因寺以興號假樹以

立名初者天竺不生思覩象法能殫眾巧所擬罕成

上界通士感念缺泥不滿備珍飾而相好周圖靈哉

真顏今即遺制粵若季父銀青光祿大夫使持節利

州缺源受魏□梁之大業克濟厥美不隕其名管樞

極而三事代傳牧本州而五業相襲英氣聯缺太守
 度支尚書兗州刺史府君台庭坐謀遺愛貴州布政
 優優百祿是適公之曾祖缺大父皇朝尚舍奉御蜀
 號二王府長史台鄂滁三州刺史府君六尚欽若王
 藩列缺器司戎半刺邦政馴致咸騰景標舉歲蕤昭
 赫恭列務以夷亂牧外臺而保甯微問溢乎缺潔白
 安可而緇磷冲用以博暢經才以優洽強學垂裕虛
 容保和孝睦叶於靈心能事探缺倉參軍次拜滁州
 錄事參軍次除博州錄事參軍遷鄭州司兵參軍初
 掌軍儲再司樞紐缺衝要曳墨綬而効績克揚奉遊

冠而清閎喟□□□門□□時談制授秦州都督
缺奏課連最受金帛以延□渥□品□□□□□
 □□功俾我令職至夫□禮以訓宥至於臧否□
 □何□□□儀慧□□□□□□於□□□□
 □□未□瞻□巖而缺獻欬以遐矚缺問□□□□
 □缺聲衆肅恭缺於□埃能缺熱於嘉木以下缺
 平崔莅六國齊魯燕水無烟結景言其口不計於昔
 全唐文二百七十八有傳舉好其而用皆青其
 置都督有弊議其
 爲政之道尚簡也治人之道尚寬也寬則得衆簡即

易行扇之以淳風施之以惠化務崇清淨之教不貴
 滋章之法且賢良者在君用與不用邦國者在君治
 與不治豈宜察察而勞司舉孜孜而用督責者哉老
 子曰治大國者若烹小鮮誠哉是言其可不信往者
 周武之有天下封建子弟以為藩翰當其初也親以
 同憂有磐石之固及其末也疏而相討成逆命之國
 強侵弱眾暴寡或諸侯犯境或天子蒙塵王室凌夷
 終於傾覆者實由枝繁必折尾大不掉之所致也前
 漢時吳楚大族山東諸豪並令遷徙長安充奉陵邑
 蓋以虛外實內強榦弱枝之計也則天分割雍州為

四益州為三所以減削其權不使專統蓋以防微慮
 遠杜邪塞姦之策也何則惟名與器不可以假人甯
 容倒持太阿而授其柄雖初委任得士政頗有方後
 恐未必皆賢弊從此起矣貞觀故事足可依行棄而
 不遵臣所未取

唐會要
六十八

源乾曜

全唐文二百七十九有傳

請封禪第三表

臣聞聖人者與天地合德故珍符休命不可得而辭
 鴻名盛典不可得而讓陛下功格上天澤流厚載三

五之盛莫能比崇登封告成理叶幽贊故符瑞畢臻
天意也書軌大同人事也菽粟屢登和平也刑罰不
用至理也今陛下稽天意以固辭違人事以久讓是
和平而不崇昭報至理而闕薦祖宗億兆之情猶知
不可況上帝臨照神宗顧諟其可止乎願納王公卿
士列岳搢紳之望迴命有司速定大典臣等不勝懇
切敢昧死再拜上請以聞

冊府三十二

呂太一

全唐文二百九十五有傳

答吏部牒

眷彼吏部銓總之司當須簡要清通何必豎籬種棘

南部新書

馬懷素

全唐文二百九十六有傳

大唐大理卿崔公故夫人滎陽縣君鄭氏墓誌

銘 并序

夫人諱□字□□其先始自后稷著勲唐代子孫其
昌奄有鄭國實能以忠輔周室職爲司徒風人之賦
緇衣抑有由矣以國命氏自號而東簪組奔葉紛綸
□漫可□而略也故代爲滎陽郡人焉曾祖子仁齊

通直郎祖植□朝司勳左司二郎中長安令將作少
匠檢校太常少卿父行寶詹府司直□勳員外郎並
學□在躬忠貞植性立言□範從政有聲故能毓此
柔明動合儀訓作□□爰擇好仇其誰□之言□
崔氏自盥笄崇禮淑慎其身四德聿脩六行□□不
侈其服必親浣濯之衣不倦其勞必恭織紉之事緝
諧女史敦順母儀謙□以奉其上慈愛以率於下周
給恤隱矜孤憫窮居厚者不尙其多處少者不□□
薄與長姒盧夫人深相友敬執禮遊藝行同言合□
外之間怡怡如也古之□□無以加焉又心存釋教

早寤緣覺常誦金剛波若經住持正法□忘夙夜□
積善之慶天何忽諸忽藥不瘳至於大漸顧命長子
司農丞璘次子華州參軍璉等曰汝免過失吾歿無
恨兩房兄弟之可協睦若生異□□違吾意又訓諸
女必崇內則盡禮夫家以宏婦道春秋冊有七以長
安三年八月廿四日終於京兆府永樂里之私第以
開元五年十月廿五□□窆於恒州之舊瑩禮也夫
人德容光闡儀範聿修性蘊□□身服仁義閨門許
其宗匠遠近歸其準的女工之善無□不兼□禮□
□□禮不綜固以□□衆藝苞舉羣材豈獨萊婦曹

妻邢娘

字缺八

生榮死哀嗟碧口之早落歎黃泉之不

返周

口啟遂趙國疏

字缺六

凶儀遠聽虞歌之口絕看

殷奠之盈虛煙雲積而高月苦草樹

字缺五

夫以義口

家室想琴瑟而增悽子以情感蓼莪捧杯圈而聚歎

山川口口口代無窮奇勒芳徽以存不朽其銘曰

口口榮波衣冠實多誕生懿淑言附松蘿舉案遵禮

正家以和威儀口榷令口口口未知命奄離營魄

秦壤移墳恒山改宅日晦旌旒烟生隴陌萬古

字缺七

人何愁令允何思元堂不曉白日無期黯黯泉口悠

悠歲

字缺八

辭

常山貞石志

趙冬曦

全唐文二百九十六有傳

論左遷貶降未可革心奏

臣聞古之擇牧宰者皆出於臺郎御史以爲榮遷何者以爲親民之職人命所繫故貴其位而重其人也今則不然京職之不稱者乃左爲外任大邑之負累者乃降爲小邑近官之不能者乃遷爲遠官夫常人之心未可卒革此之不稱彼焉能治率土之濱莫非王臣何必貴大邑而賤小邑重近民而棄遠民耶夫食君之祿而冒君之榮陛下賜之死可矣流之邊可

卷十八
三十一
矣於左遷貶降之例惡足爲王者之政與夫如是則
上下相同而官得其實而天下治矣

唐會要
六十八

裴耀卿

全唐文二百九十七有傳

營田奏

竊見天下所檢客戶除兩州計會歸本貫已外便令
所在編附年限向滿須准居人更有優矜卽此輩僥
倖若全徵課稅目擊不堪竊料天下諸州不可一例
處置且望從寬鄉有剩田州作法竊計有剩田者減
三四十州取其剩田進融支給其剩地者三分請取

一分已下其浮戶請任其親戚鄉里相就每十戶已
上共作一坊每戶給五畝充宅并爲造一兩口屋宇
開巷陌立閭伍種桑棗築園蔬使緩急相助親鄰不
失丁別量給五十畝已上爲私田任其自營種率其
戶於近坊更供給一頃以爲公田共令營種每丁一
月役功三日計十丁一年共得三百六十日營公田
一頃不啻得計早收一年不減一百石使納隨近州
縣除役功三百六十日外更無租稅既是營田戶日
免征徭安樂有餘必不流散官司每丁收納十石其
粟更不別支用每至不熟年斗判三十價然後支用

計一丁一年還出兩年已上亦與正課不殊則官收其役不為矜縱人緩其稅又得安舒倉廩日殷久遠為便其狹鄉無剩地客戶多者雖此法未該准式許移窄就寬不必要須留住若寬鄉安置得所人皆悅募則三兩年後皆可改塗棄地盡作公田狹鄉總移寬處倉儲既實水旱無憂矣

唐會要八十五

楊瑒

全唐文二百九十八有傳

諫博士弟子奪情奏

臣竊考經傳喪記有文歷代相因損益無替斯事體

大人誰敢違國家孝理天下超跡百王焉可以苴經之人叶鐘磬之樂既傷往教復玷清猷良史見書難為直筆臣職惟宣化期不奉詔

唐會要三十八

裴光庭

全唐文二百九十九有傳

文武選人正月內團甲奏

文武選人承前三月三十日始畢比團甲已至夏末自今已後并正月三十日內團甲二月內畢

唐會要七十一

邢璣

璣官四門助教終鴻臚少卿

見唐書王鉷傳

周易略例疏自序

王輔嗣略例大則指一部之指歸小則明六爻之得失承乘逆順之理應變情偽之端用有行藏辭有險易觀之者可以經緯天地探測鬼神匡濟邦家推辟咎悔雖人非上聖亦近代一賢臣謹依其文輒為注解雖不足敷宏易道庶幾有裨於教義亦猶螢燐增輝於太陽涓流助深於巨壑臣之志也

韋璞玉

璞玉元宗時人

大唐故朝議郎京兆府功曹上柱國韋君墓誌

銘并序

君諱希損字又損京兆杜陵人也□祖量魏散騎常侍生高祖瑗隋陽武令瑗生曾祖知□建伯勳領幽州刺史生祖仁儉儉早終生考嗣業皇□□世為蓬閣之秀君即秘書公第二子也少孤而元兄又歿友于諸弟鄉黨嘉焉學則不固主忠信行有餘力而親仁□歲□□□馬遷之史甘而冠同先儒之□起家國子生擢第補□州城固主簿一命隨牒不以臧否經懷三載視人豈與徒勞屑意秩滿歷渭南藍田二縣尉下車未幾穆如清風時京尹河東薛公昶偉君

之才引為四部尉□□萬年縣□自西徂東政不易
 □臺伯鼎相誇能者久之□詔除京兆府功曹士歎
 後時也嘗應制和蔡孚偃松篇曰大厦已成無所用
 唯將獻壽答堯心作者稱之深以為遺賢雅刺矣由
 是不可得而求進每推遭遇以遺機悲夫君子道消
 日月逝矣終而為恨其唯君乎享年六十有三開元
 七年八月九日傾于新昌里第之中堂先是誠次子
 璞玉曰昔有虞氏瓦棺夏后氏塋周逮德下衰以寶
 玉崇窆浮侈蒿目我不忍為也不諱之日爾其誌之
 及渾金等鞠然在艱罔知所從乃祇遵先訓卜宅之

口以開元八年歲躔庚申正月八日奉神輿權安厝
 于城東南曲池里禮也櫬中唯貯紙筆古集六卷設
 熬置銘其詞曰

我祖哲兮我君是繼小子各天兮不孝于世松檟日
 已拱尊猷靡翳兮石刻

賀知章

全唐文卷三百有傳

東陽帖

近日東陽絕無書問憂心何可言想足下當盡能致

帖汝

敬和帖

敬和在彼尙未議遂增耿耿上同

隔日帖

隔日不面懸遲何極計足下須人兼具此等事勢速

令垂報也上同

事宜帖

以諸人不至今日自當得口事宜諸人何為不報也

國老題贊真齋法書贊

彭景宣

景宣開元中入

千佛崖造象記

開元十年太歲壬戌二月癸酉朔八日庚辰滿弟子
彭景宣奉為亡妣郭氏敬造釋迦牟尼佛一龕願亡
妣魂路乘茲善根千華臺上凝法性以生身七覺池
中棹禪波而悟道見存大小身康十力九橫雲消體
披三堅千灾自散上資有頂下及無邊同預勝因俱

登佛果金石苑

盧兼愛

兼愛開元中左內率府胄曹

大唐故寧州豐義縣令鄭府君墓誌銘并序

卷十一
七
蔡陽鄭君諱溫球字耀遠洪源浚流鼎門碩胄固以
炳煥圖傳洋溢曾祖遜隨鴻臚卿河南公祖福祥皇
唐州刺史父方喬始州臨津縣令昭穆暉映芝蘭芬
馥咸迪雋業不其休哉君溫恭好學出言有章貞白
成性立行無玷解褐虢州玉城縣丞毘贊有倫人吏
胥悅時蠻方作梗王師出誅監軍御史元公欽君器
能相邀入幕克清夷落韜弓飲至君之策焉優制嘉
之轉蒲州汾陰尉儀形闕輔損益絃歌秩滿調補寧
州豐義縣令以膺精擇無事自理示信不欺子游不
下堂賈人歌來晚儔君之政無以加焉方將樹勤王

家勒休天府彼蒼不憖瘥瘵所纏藥石何欺靈佑斯
爽以開元十四年七月廿九日終享年五十有八才
優命舛沉屈下僚隙駟不留巖電易謝人生到此天
道甯論君有昆曰溫琦廊廟巨幹朝廷重寶由禮部
侍郎轉邠州刺史君詣兄所憇息未行哀哉稠臻於
邠靡宇天倫之感振古莫儔卽以其時柩遷于鄆以
開元十五年七月廿七日權窆於京兆府鄆縣□福
鄉原禮也有子七人皆精敏之士續絳州翼城主簿
兼汴州開封主簿揆充收孚回等並茹感肌膚沉痛
創巨纂夫懿德寄我松槩予夙預姻親曲承誘顧士

感知已懷此無忘聊繫情於斯文庶有光於泉壤銘
日
徑鎮岳岳溱流湯湯展我之子爲龍爲光有昆如珪
有子似璋家瘞其寶國殲其良千秋萬歲杳杳茫茫
石刻

趙演

演開元中飛鳥縣主簿

石亭記

蓋此石亭者送別之地也昔漢國二陸□郊□□風
流雨散有追送之篇章西□□梁是分岐之祖餞何

獨古之悽愴今之□凌乎粵□縣寮丞廣平宋元孫
主簿太□郭欽讓尉博陵崔文邕摠括宏才且安卑
秩承凋弊之俗行輯甯之化政能垂綬聲輟調絃去
來賓朋不歡會於永日遠近郊郭惜悲離於一時供
帳雖開野亭多闕而迺春籍芳草秋倚喬林賦詩贈
行酌酒相勸亦以別矣然崔子名族之秀美幹於事
適於時爰憑巖崖用省結構祔嵌巖以高敞豁崆峒
以傍開種柳橫階蒔蘭約砌韶月則嬌花亂入溽暑
則新藤競垂綠苔綴錢紅癩織錦俯伏江澣編聯道
周是以駐征蓋於浮雲長鳴斑馬握離盃於溝水促

轉飛鸚鵡庶將來之吾賢知有作之明哲式刊古石永
烈聲徽是時開元十有八年冬星迴大荒落月應大
呂朔臨甲乙日御戊辰前飛鳥縣主簿趙演詞也石

張愿

愿襄陽人東之之孫開元中駕部郎中

唐故秀士張君墓誌

并序

君諱典字子敬其先范陽方城人也軒轅錫族司空
分派繁衍光大自北祖南九代祖貞從西晉入東晉
六代祖策去西魏自南齊遷宦奔葉因家樊沔祖漢
陽郡王中書令柬之佐命元勳建封立廟服器有具

子孫其昌父暉則王之第二子君則王之第七孫
注躡足有權奇也丹穴絳羽異鷲翥也學詩學禮舞
象舞籥克孝克溫日肅日厚成童未冠邁疾而終誰
與聰明不假眉壽先天二年八月十六日瘞于私第
時年十七開元廿一年十月十六日改殯于安養縣
西祔先墳禮也祔祖廟祭也嗚呼哀哉君之兄駕部
郎中愿痛萳跼之不祿悲涕泗之無從銘曰
陟彼先塋東西隧之伊何君子左右位之成童備德
痛幽閔之棠棣之華上春墜之

崔無誠

石刻

無誠開元中官中大夫守集州刺史上柱國本韋后
外家博陵舊望後爲滎陽太守死祿山之難唐書附
忠義張介然傳

石龕像銘

像敬流行啟諸未萌爰施有相用導無生其體至淨
其化唯平混之不濁澄之不清得自內照失在外營
法性難覩方假虛形喻棧之妙爲道之精惠燈分影
思廣其□慈心普濟同歸此誠石叔縱滅金容未傾
將來遇者善念恒盈萬歲之後魂依勝庭世之英達
當鑒徽□金石苑

韋濟

濟開元末恒州刺史

按此當爲宰相嗣立子兩唐書均附韋思謙傳

白鹿泉神君祠碑

粵泉之由來尙矣蓋不知其古始焉故老相傳或言
漢將韓信東下趙涉井陘壁于崢嶸軍用渴絕俄有
白鹿袍地飛泉出焉百萬之師壹□以濟永徽中邑
尉皇甫哲導泉自陘口東注郭落四十餘里餘波入
于滹沱屯雲行雨膏凝脉散澆渥浸潤所蒙蓋多開
元□□□日在東井自春不雨至於是月濟肅承嘉
命有事名山齋宿泉源靜恭旁禱神必響答靈液□

□嘉苗來蘇歲以穰熟夫後造化而出奇功也活三
軍之衆立勲也廣利百姓善化也施不違素善信也
非夫聖佐旁通坎靈潛發寔能邁種于德左右犁入
若茲者乎宜蒙法□昭著祠典而荒涼苔石埋穢榛
蕪歷代彌年莫之旌賞碑板無紀堂象缺然非所謂
無德不酬有功必祀迺命縣屬率徹俸錢掃除林麓
修創庭廟吏人欣顛不日而成兼旁構數亭以休神
憩侶因石爲室卽山取材□□以茨不皮不斲爾迺
面大道臨長亭襟西晉欲東溟半二縣之封疆束百
會之車馬重巖屏遶連池珠沸滌淪洞澈葱青露蔚

澄漪冰寒華清露味於是遊閑鄉族仁智名儒轂擊
肩摩鬱撓淫裔感靈泉之舊哉忻厥命之惟新或篤
言乎令節或祈穀乎農辰吟詠嗟歎彈絃鼓舞去者
思還來者忘歸此里仁之爲美寔神君之所相也上
碑時別駕滎陽鄭韜光別駕汲郡尙景述長史趙郡
李暉長史河東薛昭司馬蘭陵蕭誠司馬武功蘇曉
真定縣令柳令譽鹿泉縣令竇欽望井陘縣令于懷
讚等昌言而進曰夫建國設邦分土畫野必有名山
大浸靈境勝迹綏鎮□□暉□望耆舊載其風謠
頌謨其事若關西之昆池灞岸洛南之梓澤龍門□

卷十六
帝室之威神嬉王城之風俗既麗且康不可得而議也其餘標□□□倒景重溟金闕銀臺五明蓬萊空傳方士之詞莫在人間之世又不可得□至□夫□會稽□□中姑蘇之虎邱城都之武擔楚之□首晉之晉□皆俯帶屢□□□煙月名區列郡之特所章著標絕者也摠天下□□配鹿泉□六矣是□子虛託於烏有東吳嘒於西蜀亦各尙其國風誇其樂土顧惟我郡顯無闕□□伐石鑽銘貽厥來裔其辭曰車不得方軌兮井爲關輻□□晉兮東山□□道駢翼兮往復還巖祠咫尺兮泉謚閑碧□紅灤兮洞連

彎霞朝嵐夕兮□石顏停輦稅馬兮駐登攀災祈穰答兮無□艱宴康樂兮萬斯年

開元二十有四年王春三月鹿泉縣主簿楊景新監修池亭畢時司功參軍楊慎言司法張怡司士邱□司倉□□誠參軍□俊參軍吉社參軍長孫際參軍盧澤恒陽軍摠管元賢宰教練使李喬□城縣令柳浩石邑縣令楊承慶九門縣□王慶靈壽縣令朱昂房山縣令魯拱庭真定縣丞姚□主簿張惟肅尉王靈仙尉藺慶尉王老言鹿泉縣□□客尉□光朝井陘縣丞姚懷□主簿周仲□尉司徒惟良石邑縣

尉史凜然等群公畢會□□乎建碑故勒諸其名用昭不朽矣石刻

孟脩已

脩已開元中鄉貢明經

本願寺陀羅尼經幢頌

佛頂尊勝陀羅尼經者缺其經儀鳳之歲發迹斯波

缺之重譴消生死之泥林缺者也原夫金軀演法迦

缺涅捺之相故能不生不滅缺手羣迷之境獨為先

覺缺楊惠敬范什毛翹義仙缺家國□□絕之□缺

覺缺范而缺財□□缺幢□□巖之奇石廣召缺遙

臨千仞類殊聞之雙居缺寶符之秀岳似接雞山拒

缺齡不朽長存如在之容百缺芳列而為頌云

□此□缺為□□臺安坐蓮花養神缺識咸歸至真

大唐開元九年歲次辛酉常山貞石志

崔文邕

文邕博陵人開元中官梓州銅山縣尉

千秋亭詠序

此千秋亭者邕艸創也故得詞人刊其不朽自茲作古仍勒是詩客過郢中庶有同唱者矣金石苑

唐故豫州郟城縣丞張君墓誌 并序
 君諱孚字孟信其先范陽方城人也曾祖玄弼益府
 功曹贈安隨郢汙四州諸軍事安州刺史祖柬之特
 進中書令漢陽郡王父漪朝散大夫著作郎公著作
 之元子幼而明敏長復剛斷年十八以門資齋郎常
 選廿而孤神龍後讒諛間疊家遇屯剝今上登極昭

唐文拾遺卷之十九

榮祿大夫三品頂戴前分巡廣東高廉道如四級臣陸心源輯

張縯

縯襄陽人柬之曾孫開元時人

唐故豫州郟城縣丞張君墓誌

并序

君諱孚字孟信其先范陽方城人也曾祖玄弼益府
 功曹贈安隨郢汙四州諸軍事安州刺史祖柬之特
 進中書令漢陽郡王父漪朝散大夫著作郎公著作
 之元子幼而明敏長復剛斷年十八以門資齋郎常
 選廿而孤神龍後讒諛間疊家遇屯剝今上登極昭



洗舊冤合門長幼悉皆拜職君授隨州司倉參軍泉
貨是司出納惟允邦君坐嘯邑吏行謠旋屬按察劉
商有怨先子誣以他事免君職焉君曾無愠容退返
初服婆娑里閤不以屑懷無何五嶺塵飛將軍授鉞
決勝之策君能贊謀獻捷之辰疇庸是取弃瑕錄用
復拜豫州鄆城縣丞焉此縣陳宋之衝淮河之會舟
車輻委寇盜肩隨君正色臨人剛腸疾惡姦豪股栗
伏竄他境而渠魁十輩猶離跂於其間君乃設摘伏
之科正繩愆之准擒之匪日聚以殲旃藿蒲中清犬
不夜吠復丁家艱去職以開元廿八年六月十四日

邁疾終於故里私第春秋五十有八夫人呼延氏故
亳州鄆縣令謀之女脩習禮法潔羞蘋藻事姑以孝
訓子能慈後公喪十四日終於私寢嗣子純既及壯
年先秋徂謝孫迪承其祀焉詞曰

餘慶未已厥生君子位不充量沒恨泉裏其夫人禮
則當時見美同穴茲辰徽音用紀其石刻

張佑仁

佑仁開元時官太子校書

直崇文館兼左衛率
府兵曹參軍敦煌人

唐相州鄆縣天城山修定寺之碑

嘗聞上方有至德曰禪寂形淪舍動之表棲跡玄空

卷十九
之外西極有達道曰真幽忘情是非之地滌心有無之境其爲廣大長久也恒沙計劫而無盡卽由數界而未周其爲徵感發通也僧孤敷化而莫窮娑婆受身而不足傳一音以口灑衆聽各聞其聲現一相以示容羣窺各見其像宿命之察過往而未來神光之照無聞而有頂若其寃親共貫愛憎同敘斷以歐午之勁而我弗謂讎賞以隨和之美而吾非其惠諸相非相則見如來是聲非聲乃聞正聲適來彼時矣適去彼順矣地不藏秘爲之十八震動天不隱道爲之十二光輝花則薝蔔閣提優鉢青紅之秀香則旃檀

羅跋拘鞞紫黃之綵旒幢幡蓋出諸修梵之宮殿塔樓臺括彼潢彌之嶽禎祥不可而紀也福惠不可而殫也所以正徧知剛行足調御士降伏師啟方等之因布圓明之教如斯而已矣及乎闍維長謝泥洹高往騰蘭畦乎觀止澄什翻然降次悠悠中寓初聞象教眇眇舍氓始知深灑於是嘉山靈水香剎坐殷華郭貴都梵宮俄徧其至感也如彼其幽應也如此天城山修定寺者本鄴人張僧猛之禪居魏太和十七年孝文獵於此山初立爲天城寺也始僧猛射麀而戀戀弗去及孝文逐口又投房弗出公旣感而擯俗

帝亦奇而創寺重以大統灑師粵投茲境香花供養三十餘年若其警蹕誼巖旌麾沓嶂降萬乘之周衛下千官之輿輦繩山風海越國歸睽絕黨殊鄰星郵請道歲時首路前後弗絕齊天保元年宣帝以山有二水合流改名合水寺隨開皇三年文帝追猛公薰修致志更名曰修定寺故今則因其號也觀其經構之博彌山跨島設象之峻干星列雲負曾檻以挿虛架修櫺而瞰絕其左則太行西陳萬里壁奔沓谷駢崗森矗天倚其右則山東列國平疇錦章連緣黛陰沓藹魂極南有逶迤綠水濱島花明北有陰岑玄洞

風雷潛震於是山祇營道谷靈模飾徵桂林之翠碧採辰水之朱丹捫珍海伯之府探產河侯之藏南陽楓柙西輔檉松飛柱則開陽夜至浮剎則新甯朝下黯疑天降修廊嶇吻以雲生拖若海飛廣殿寢嘗而椶布雕楣繡栱紅礫礫以矜然走楯行欄岌礧礧而爭動白紈表裏紅紗上下風含水精之瓦煙照石英之砌又有龍花瑞塔降於忉利雀離仙圖來于天竺露盤帶現以雲表相輪崢嶸乎風半金鈴欲曙欹璀璨而稱晨寶鐸將昏奏鏗鏘而司閉七重行樹一一樹而百枝四色祥花一一花而千朶鷹鳩聽唄居得

烏口之果鹿虎馴禪盡登師子之位竹無心而自掃
松不意以獨吟果則低枝獻採花則傾跌投折松喬
東適疑方壺而下問安凌西駕謂板桐而中止登攀
之戀信宿忘返而未周遊覽之娛窮年不歸而無厭
又况乎曹公臺觀石國園池東魏龍蟠之所北齊鳳
揚之跡山川若舊朝市革而氣幽故雉其荒芻牧吟
而淚盡時有寺主僧灑爽上坐玄瓘都維那玄湜等
並鄴都純粹漳河英穎逝祛疑網卽斷惑繩口步檀
那便傾法本戒珠圓淨優波離解律之高虛印方平富樓
那說經之最亦猶舍利弗華光之號當居離垢之境
須菩提名相之尊仍臨有寶之劫不口聰明第一識

空無二其何以臻乎嘗以爲泥金樹德標誠之深刊石
紀聲崇勸之大傳之所以示化聞之足爲自勉以弟
子學該儒奧才擅史墳將勒豐碑俾旌華頌不知晉
之文伯方媿凡官之唱宋之詞英亦謝定林之作恭
口不默夫豈討精于時開元三年歲次乙卯三月己未
建于寺之南門大唐有天下之九十九載也詞曰
大通普勝釋伽牟尼先覺之主正乘之師灑華撫運
般若乘時明行成了正偏皆知妙哉筏喻不可思議
舌相潛融毫光普遍鏗鉦雷怒煜煥飛口有頂上
周無聞下徧六趣悲恐三塗矜鞞乘佛聲光盡得聞

見 闍維載謝□槃不歸正癯西住象教東飛律什
 傳授生融啓揮理究冥滅功探密微于嗟眇眇復得
 其依 茲山峻峙眇間奇特下括漳河同臨鄴國猛
 公營翊統師刊勒從魏增修經隨改卜禪居森藹遺
 蹤此得 崇堂煙聳廣殿雲敷墀坵矜戴崢嶸闕□
 龍花飛塔雀離涌圖□含海月網絡星珠千楯万拱
 赫奕□□ 筏寶海游擿金岫嶂下括坤宰上邀天
 □□□真容彫模妙相□葉繁□蓮花迴向□□菴
 園悠然可望 □字崇邃道門虛寂梵首昂昂緇徒
 弈弈四分律要七衆□□□嶽冬齊智流春碧□珠

癯印清風流迪 泥金紀德刊石載聲崇勸之要標
 誠之精思延華妙式播詞英樹此功實傳諸令名秋
 千古万不頽不傾刻石

杜昱

昱東郡人先天二年登手筆俊拔超越流輩科開元
 中官太僕少卿遷太僕卿守河南少尹終給事中

有唐薛氏故夫人實信優婆夷未曾有功德塔

銘 并序

優婆夷諱未曾有俗姓盧氏范陽人曾祖義恭皇朝
 工部侍郎祖少儒衛州刺史父廣慶魏州司馬代業

冠冕詳載碑牒優婆夷卽魏州府君有齋季女也夙
稟成訓猗承柔範開惠昭於人圖濬敏發於天性祇
婉婉以自式鳴環珮而有行展如克家實佐君子尸
季蘭之饋賦採蘋之什內睦伯姊外和六姻婦功嫻
於昌族芬譽騰於衆口聖善慈顧適來歸甯沈念在
慰而兩絕舊痾承驪而自愈專業禪門用茲介和觀
不空而捨妄寤無染以得心雖承教之日淺而見實
之理深推菹若於未秀泣瓊瓌而先絕開元廿六年
正月己卯右脇而卧告終於城南別業春秋廿有二
是月景申遷神於闕塞之西崗禮也優婆夷髻廿多

智潛識邁倫事不違同義然後取九歲聞人誦般若
便暗習於心句無遺言如經師授或時見僮賤給役
母兄有挾罰過當怡色諫止允叶其中自宗師大智
茂修禪法生子男舊矣孩笑可娛鍾邁時疾遂見天
尊以短長有源置而不問其割棄情愛卓拔流俗嘗
以諸佛秘密式是摠持誦千眼尊勝等咒數逾巨億
則聲輪字合如聞一音而心閑口敏更了多字假使
金盤轉圓玉壺傾注傳厥盡美未云能喻身抱羸恙
愛語忘勞資迫屢空惠施不倦夫其守道純深奉戒
精一居常而靜慮不亂臨困而景行彌高先是未疾

之辰密有遺囑令卜宅之所要近吾師曠然遠望以
慰平昔後之慈悼兼極不敢加焉其殊致豐裁翰略
而不舉故銘宰堵波用彰其徽烈必後成正覺當示
獻珠之奇如未轉女身且為散花之侶其詞曰

起宰堵波量有二兮誕惟輪王一切智兮於鑠忍界
光文字兮永播芳烈齊天地兮

石列

大唐故大智禪師塔銘

禪師諱義福俗姓姜氏潞國銅鞮人曾祖仲遷隨武
陟丞鴈門令大父子徇烈考解脫並邱園養德隱居
不仕禪師體不生之口神綱無染之絕韻爰在悼亂

遊不狎羣遂更童長身無擇行峻節比夫嵩華雅量
方於溟渤初好老莊書易之說亟歷淇澳張滏之間
以非度門一皆謝絕齒邁三十適預緇流慧音共芝
若同芬或相與蓮花比潔大通之在荆南也慈導風
行聲如鼓鍾應同鳴鶴乃裹糧修謁偏袒請命遂得
法要式是勵精浹辰之間驀然大悟三摩隨入順忍
現前大通印可密宏付囑自是多歷名山普雨甘露
經行如市宴坐成林門下求謁固屢三年之滯眾中
樂聞常兼五十之喜則我禪伯之徽業實亦駿揚于
耿光及遊步上都載脂咸洛法梁是荷人寶歸尊有

如王公四累下遂禪販百族明發求哀涕淚勤請則亦俯授悲誨朗振圓音應器而甌缶必盈逗根則條枚盡洽如摩尼皆隨衆色入薈匳不麤餘香所可脩行分獲梁證昇堂或落落間出其餘滔滔皆是前年輿駕東幸禪師後旋有洛閉關靜慮猶口無言或趺坐通霄或冥寂終日門弟子有觀異相竊或怪之知化口將終接袵悲侍開元廿四年夏五月廿五日右脇徂逝春秋七十九僧夏口口粵六月十有七日恩勅追號大智禪師秋七月七日甲申遷於奉先寺之西原起塔守護禮也禪師以道分人運慈濟物凡所

利樂率先宏溥其茂德殊行則刊在世碑冥貺神迹則詳夫外傳簡茲盡美略而不書猶迷變海之期示勒開山之記銘曰

闕塞西麓相縈抱兮極目南臨伊汝道兮永錫大智神所保兮達人口已豈多感兮率由代教駿發祥兮于蔭法嗣道有光兮

石刻

張旭

旭字伯高吳人善書嗜酒每大醉呼叫狂走乃下筆世呼張顛仕爲常熟尉

足下帖

足下晚復不知疾痛如何深極憂難比也上下安之
必得發耶

患差帖

得足下十五日問為慰僕前患差張旭書

並信化閣帖

藏真帖

藏真久在風波不復顛逸今日到故園將多不知其
由故書之山下消息等乃可憂也

顛書帖

顛書之趣所貴者日復當與足下顛草必有奇勢
所將委曲及船取米必定知減于石雄逸藏真乃

秋深帖

秋深不審氣力復如何也藏弊何知可論河南送物
人近來得京中消息承彼數年不熟憂懸不復可論
不委諸小大如何為活計幾日有京中信使知之當
數報委曲耳

寶真齋法書贊

張令該

令該官化成縣主簿

化城縣造像記

給事郎行化城縣主簿張令該幸以微班來臻此邑
屢逢兇賊得免阽危爰抽薄料敬造釋伽牟尼佛一

鋪於巴州西南山美夫鬱穹崇懸石壁雕鐫始就毫
相星開裝飾已成金容月滿當願見在兄弟合家長
幼永無灾厄永保康寧加以法界蒼生共同斯福時
開元廿八年中春之二月也石刻

薛良

良開元中人

唐故尚舍直長薛府君夫人裴氏墓誌銘

并序

夫人裴氏河東聞喜人高陽肇袁非子受封漢寵侍
中晉稱吏部問諸絳事大達斯分曾祖思質汾州刺
史太平縣開國公祖行顓魏州頓邱縣令父貞國楚

州淮陰縣令或擁旗千里或紆綬一同訓理窺於古
人香政飄於後嗣夫人卽淮陰之仲女也夫孝以居
室恭順饒於已族義以奉外執誼歸于我家其初迓
也口璨珠以和禮容其爲婦也諧琴瑟而偶君子浮
榮不幸移天早沒哀女蘿之無施泣夢蘭之不兆天
天華歲熒熒誓居卅餘年志不我忒音律之事爲性
工乎直長府君云亡竟不聽絃管貞節也以季母之
親撫猶子之類示以典禮導以謙和豈口斯門流式
他壺慈訓也馭下以肅教而後罰左右敬愛內外嚴
恭正範也聿脩三善騰心入解金仙聖道味之及真

外身等物不競以禮放迹遠俗謂爲全生凝神寂寞
塊然而往春秋五十有九以開元十三年五月廿三
日考終於通利之里第子子明魂寥寥歸宇無三年
之服者唯數隸而號慕人代可哀元門允樂先是遺
付不許從於直長之塋以其受誠律也今奉所志以
明年景寅二月廿三日葬於河南龍門山菩提寺之
後崗明去塵也族孫良備覽休跡敢敘而爲銘曰
塵颺爲劫不可年兮塋櫃無像知幾遷兮有德斯紀
跡必宣兮神道昭著福謂傳矣貞靜悌睦存沒眞兮
君子之謂賢婦人兮

石刻

韋陟

全唐文三百六有傳

考試掌舉官親族移送吏部奏

准舊例掌舉官親族皆于本司差郎中一人考試有
及第者尙書覆定然後附奏臣本司今闕尙書縱差
郎官是臣麾下事在嫌疑所望釐革伏望天恩許臣
移送吏部差考功員外郎試揀侍郎覆定任所在聞
奏卽望浮議止息

唐會要
五十八

韋縉

全唐文三百七有傳

奉常主宗廟奏

奉今年二月三日勅宗廟所奉尊敬之極因以名著情所未安宜令禮官詳擇所宜奏聞者謹詳經典竊尋令式宗廟享薦皆主奉常別置署司事非稽古其太廟署望廢令本司專奉其事冊府五百八十九

請加廣籩豆酒爵奏

請宗廟之奠每坐籩豆各加一二又今之配獻酒爵制度全小僅止一合執持甚難請令廣大其郊祀奠獻亦准此仍望付尚書省集眾官詳議務從折衷同
孫逖

全唐文三百八有傳

授崔珪太子左庶子制

授崔秀太子左庶子制

授郭虛已太子左庶子制

按以上三篇舊鈔文苑英華四百四署名孫逖今存其目文見全唐文二百五十三

李華

全唐文三百十五有傳

蒙求序

安平李瀚著蒙求一篇列古人言行美惡參之聲律

以授幼童隨而釋之比其終始則經史百家之要十得其四五矣推而引之源而流之易於諷誦形於章句不出卷知天下其蒙求哉周易有童蒙求我之義李公子以其文碎不敢輕傳達識者所務訓蒙而已故以蒙求為名題其首亦每行注兩句人名外傳中有別事可記者亦此附敘之雖不配上文所資廣博從切韻東字起每韻四字凡五百九十六句云爾東洋

蒙求按李瀚著蒙求前人以為五代時人此文初不敢遽信為遐叔而李良表有當代文宗云云信非遐

叔不可當此歷官封外較新傳差先與唐據言合

李良

良天寶中饒州刺史歷撫州司馬太子中允

薦蒙求表

按別本云此表國子司業陸善經撰未知所據

臣良言臣聞建官擇賢其來有素抗表薦士義或可稱爰自宗周逮茲炎漢競徵茂異咸重儒術竊見臣境內寄住客前信州司馬倉叅軍李瀚學藝淹通理識精究撰古人狀迹編成音韻屬對類事無非典實名曰蒙求約三千言注下轉相敷演向萬餘事瀚家兒童三數歲者皆善諷誦談古策事無減鴻儒不素

諳知謂疑神遇司封員外郎李華當代文宗名望夙
著與作序云不出卷而知天下豈其蒙求哉漢朝王
子淵製洞簫賦漢帝美其文令宮人誦習近代周興
嗣撰千字文亦頒行天下豈若蒙求者錯綜經史隨
便訓釋童子則固多宏益老成亦頗覺起予臣屬忝
宗枝職備藩扞每廣聽遠視採異訪奇未嘗遺一才
蔽片善有可甄錄不敢不具狀聞奏陛下察臣丹誠
廣達四聰之義令瀚志學大開獎善之門伏願量授
一職微示勸誡臣良誠惶誠恐頓首頓首謹言天寶
五年八月一日饒州刺史李良上表

同

李憺

憺元宗時鄭縣尉歷監察御史倉部員外

華嶽題名

鄭縣尉李憺以開廿四六月六日充勅簡募飛騎使
判官向陝虢州點覆其月十四日事了迴便充京畿
採訪使勾覆判官此過赴京

金石萃編

李彭年

全唐文三百二十九有傳

勘檢出身奏

准例出身已來並并檢覆中間已敘五品勘責皆有

所憑今重檢尋恐為煩擾如曾經勘責敘成者請從
五品已後勘檢其五品已前但勘考數即為進敘冊
六百三十五

孟匡朝

全唐文三百三十有傳

請以漳水為瀆奏

江淮河濟各能獨達於海故受四瀆之名按尚書注
云漳水橫流入河今之此水與古有異發源潞州東
赴滄海有踰淮濟合著瀆名請以漳水為一瀆并前
為以淮水配西岳漳水配北岳濟水配中岳庶隨正

方各得其宜陰陽克和風雨時若

封氏見
聞記

張回

回天寶間人漢陽王柬之之姪孫

又唐故太中大夫守新定郡太守張公墓誌銘

并

序

公諱肫字肫其先范陽人也馬渡丹陽龍戰河洛煙
塵北擁冠冕南遷今為襄陽人也曾祖則隨阬陽縣
令祖玄弼皇益州功曹參軍贈安州都督父晦之桂
坊正字左率府兵曹參軍伯父柬之中書令漢陽郡
王贈越州都督扶危宗社勲庸太常初公父早亡伯

父進養諸呂殄滅大漢分珪茅土錫封奏公授職詔
授荊州參軍後韋氏臨政虺變爲蛇公授撫州參軍
累貶也又試太子通事舍人來復也又授將作監主
簿再太子僕寺丞太子文學檢察浮費司供輿馬黃
中有理堂上柑頭轉定州司馬邢州長史朝散大夫
涇州別駕鶴來辭海朱紱加榮輿舊見題佩刀是贈
又拜渠州刺史涪陵郡太守零陵郡太守臨川郡太
守新定郡太守蜀山雲平非無叱馭湖水天浸豈憚
洪波江南聽采菱之詞成中和之曲新安逢江水見
底比清鏡豈如太夫人韋氏安府戶曹玄寶之女封

馮翊縣太君子貴也板輿侍奉豈獨長筵東征有詞
何慚舊賦公稟休和之氣降山岳之靈忠孝事於君
親愷悌施於邦國惜其大位未繼泉路溘隨以天寶
十載六月廿四日遇疾薨於新定郡官舍春秋五十
有六諸侯之禮國典備儀道路有瑞鹿隨車黎人悲
父母奚若夫人隴西李氏隴西郡君夫榮也刑部尙
書乾祐之孫相州堯城縣令昭禮之女中書令昭德
之姪女能事組紉明閱詩禮令德贊於從職淑善穆
於宗親天乎降灾殞斯貞麗以開元廿一年八月三
日先公而亡以天寶十二載八月廿六日合葬於臨

漢縣平原禮也嗣子回等樂樂棘容哀哀相次迺馨香其實錄將刊刻於正詞銘曰

猗公命氏偉乎邈遐勲庸列土繼體分葩世業弘大忠孝清嘉官政多歷斯級光華沂海可詠專城累加天道不愆梁木空嗟其夫人隴西實惟公族尚書祖理中書伯錄體德柔順瑤姿令淑如月之皎如鳴之育內則事姑齊詩在祿誰謂奉倩先悲瘞玉其嗣子樂樂幾不滅性稟孝純至執容瘠病哀號泣血象設惟命母訓義方慎終善令女也摧毀施于疰敬樹斯文於不朽紀勲業而貞正其三刻石

顏杲卿

杲卿字昕天寶中常山太守衛尉卿兼御史中丞死祿山之難諡忠節

偽降上祿山書

鉞下才不世出天寶縱之所向輒平無思不服昔漢高仗赤帝之運猶納食其之言魏武應黃星之符亦用荀彧之策有缺今河北殷實百姓富饒衣冠禮樂天下莫敵孔子曰十室之邑必有忠信萬家之邦非無豪傑如或結聚豈非後患者乎伏惟精彼前軍嚴其後殿所過持重且詳觀地圖凡有隘狹必加防遏

慎擇良吏委之腹心自洛已東且爲已有廣輓芻粟
繕理甲兵傳檄西都望風自振若唐祚未改王命尙
行君相協謀士庶犇命則盛兵鞏洛東據敖倉南臨
白馬之津北守飛狐之塞自當抗衡上國割據一方
若景命已移謳歌所繫卽當長驅岐雍飲馬渭河黔
首歸命孰有出鉞下之右者

凌義渠湘煙錄引
唐包諝河洛春秋

包處遂

處遂官趙州司戶

上顏常山書

明公身荷寵光位居牧守乃棄萬全之良計履必死

之畏途取適于目前忘累於身後竊爲明公不取今
若拒祿山之命招十萬之兵峙乃芻茭積其食粟分
守要害大振威聲通井陘之路與東都合勢如此則
洪勳盛烈何可勝言哉輕進瞽言萬一無用魂消東
岱先懷屠裂之憂心拱北辰願立忠貞之節

同上

按顏杲卿包處遂二書出於包諝河洛春秋諝卽
處遂之子疑欲歸功于父故言杲卿初無討賊意
是二書未足爲信然杲卿往迎祿山受其金紫及
被執祿山怒曰吾擢爾太守何所負皆載在唐書
則此書或緩兵之策未必誣也題曰僞降上祿山

書而於臬卿千秋大節曾不加損

呂巖說

巖說元宗時人

唐故河南府參軍范陽張府君墓誌銘

并序

君諱軫字季心其先范陽方城人也九世祖貞仕宋南徙五世祖策隨梁北歸寓居襄陽因爲此土舊族先考漪朝散大夫著作郎大父諱柬之特進中書令漢陽郡王曾大父諱玄弼益府功曹贈都督安隨郢沔四州諸軍事安州刺史皆諸侯之選朝廷之良矣君著作府君之第四子也孩而岐嶷十而穎亮卓犖

機鑒汪洋德聲人難其才其許遠大年九歲以母氏宿願固請爲沙門自削髮緇流持衣紺宇內求三藏之實外綜六經之徽蹈其玄鑄得其深趣蓋以爲攝慧乘者良已以弘物知理道者徒義以適權況乎祖之謀孫初聞遺旨兄之誠弟再有忠告哉所以曳長裾遊太學不諂不黷爲寵爲光尋以進士甲科拜河南府參軍事參彼都輦萬方是則分茲俸邑四海能均雖曹參以獄市留心魯肅以困倉濟友未足稱於古也春秋卅有六以開元廿年六月五日因調遘疾終於洛陽陶化里之私第禍霑霜露顏回之才不幸

歎興筵几孫楚之涕無從越開元廿一年十月十六
日改祔于本郡安養縣相城里先祖之舊域禮焉君
立身謙和爲性孝友兄弟溫如也鄉黨穆如也始以
甘脆甯奉至行樂於晨昏終以醇醪養閑深仁絕於
羶血斯志固不可得而言已嗣子緝紹等風訓有紀
義方成素其在哀疚遠近傷之巖秩自衡閩道由襄
漢撫嵇孫以映咽跂楊塚而遲迴漬絮非馨柔毫可
奠永惟陵谷無媿丹青詞曰
堂堂乎張川岳降神文華經國孝友謀身我才以通
我命以屯三魂爲主四體爲賓古樹蒼蒼幽火燐燐

冥漠千世悲涼萬春樊鄧之郊周楚□津紀此□□
□予故人石刻

褚庭誨

庭誨鹽官人左散騎常侍无量次子登開元五年文
儒異等科官左拾遺善書時人目爲小褚

辭奉帖

辭奉後不辱問實增馳係初寒惟動履休勝庭誨推
前耳未由拜展悠悠下情惟珍厚人信惠問通法師
往謹附狀不宣謹狀淳化閣帖

崔季梁

季梁長安人天寶間官通事舍人

大唐故奉義郎行洪州高安縣令護軍崔府君

夫人河南獨孤氏墓誌銘 并序

夫人河南人也父諱奉先果州長史蜀國公純粹英靈傳之勝古祖姑三代作配君王蜀公卽唐初元貞皇后父故梁王信之嫡孫也夫人先舅諱大方海州刺史公果行育德作爲人範無施莫可家國有聞夫人德嗣謙柔性惟恭敏周缺五母儀受訓貴口天盛族前室有女嗣謂繼親鞠育情深若缺六應邁此鞠凶以天寶二年十月十七日育背於長安縣嘉會里

私第時年七十嗚呼哀哉逝川無歸窆窆長往攀慕不及糜潰五情嫡子朝議郎通事舍人內供口季梁痛慈顏永隔五內屠裂號天呼地罔極難追嗚呼哀哉日月不居卜其宅兆歲時不便未得遷祔先塋不謂存者生疑實恐未安泉路今且於府君塋西北一百五十步得地以十一月二日庚時權安居於長安縣義陽鄉義陽原禮也昔吳雄葬母不擇地而塋今季梁所封有同於往日嗚呼哀哉至通年擇日遷祔於先塋季梁自鍾艱罰觸緒摧悲不及文狀力銘紀仁包四德誠信百齡月懸星署名其永貞其世間難

事爲口繼親始終如一憐念日新其二萬象有類天地無依陟彼岵岵哀荒失儀其三尚存餘喘將以送終刊石立壤傳紀無窮其四刻石

顏真卿

全唐文三百三十六有傳

元陵每日供羊奏

按後漢禮儀志云古不祭墓漢諸陵皆有園寢承秦所爲也建武以來關西諸陵但四時特牲祠每帝幸長安諸陵乃太牢祠自洛陽諸陵至靈帝皆以晦望二十四氣伏社臘日及四時祠無每日上飯其親陵

一所宮人隨鼓漏理被枕其與洛陽諸陵及親陵降殺不同之文也又春秋傳曰祖禴則日祭曾高則月祭二祧則時享壇墀則歲貢大禘則終王固以親疏相推遠近爲制又祠部式獻昭乾定橋恭陵並朔望上食歲及冬至寒食各設一祭唯橋陵除此日外每日供半口羊充薦是則元宗之于親陵與諸陵且有異矣今請元陵除朔望及節祭外每日更供半口羊充薦准祠部式供擬泰陵建陵則但朔望及歲冬至寒食伏臘社日各設一祭每日更不合上食唐會要卷廿一更定婚禮奏

郡縣主見舅姑請于禮會院過事明日早舅坐於堂
東階上西向姑南向婦執筭竹器元表纁裏盛以棗栗升自
西階東面再拜跪奠于舅席前舅舉之贊者徹以東
婦退再拜降於姑階下受筭盛以殿脩從者執於階下升進
北面再拜跪奠於姑席前姑舉之贊者受以東婦退
又再拜降之詣東面拜壻之伯叔兄弟姊妹訖便赴
光順門謝恩壻之親族次第奉謝訖赴十六王宅觀
花燭伏以婚禮主敬竊恐非宜並請停障車下壻及
却扇詩等行禮之夕可以感思至於聲樂竊恐非禮
亦請禁斷相見行禮近代設以氈帳擇地而置此乃

元魏穹廬之制合于堂室中置帳請准禮施行今時
俗以子卯午酉年謂之當梁其年娶婦舅姑不相見
蓋禮無所據亦請禁斷唐會要八十三

武成王廟用樂奏

武成王廟用樂臣伏以自太公封武成王追封之禮
與諸侯王名位義同廟庭用樂合准諸侯之數今請
每至釋奠奏軒懸之樂唐會要二十三

家廟碑後記

建中元年歲次庚申秋七月癸亥朔鑄畢八月己未
真卿蒙恩遷太子少師冬十月壬子男頽封沂水縣

勇碩新泰縣男姪男頂承縣男頌費縣男頌鄒縣男
微軀官階勳爵並至二品子姪八人受封無功無能
叨竊至此子孫敬之哉

石刻

家廟碑額陰記

高祖記室君國初居此宅魏州君舍人君侍焉堂今
置廟地高祖妣殷夫人居十字街西北壁第一宅祕
書監君禮部侍郎君侍焉魏州君居後堂華州君於
堂中生焉今充神廚少保君堂今充齋堂廳屋充亞
獻終獻齋室

石刻

與盧倉曹帖二首

盧八倉曹足下敘本甚是佳製耳

留元剛忠義堂帖

足下今日定成行否不得一至郊郭深用悵然珍重
珍重所欲拙書今勒送十餘紙望領之忽怪弱惡也
不具不具真卿盧倉曹足下

鞏嶸忠義堂續刻

與李太保帖

惠及鹿脯甚慰所望春寒承美

闕一字

痊損更加保愛

真卿有一二藥煩宜常服謹令馳納少間借馬奉謁
不次二十日顏真卿狀上太保大夫公閣下

同上

一行帖

真卿一行昨自江淮日趨百里本期奉見以慰遠別

疲於道路且止數昔但深攀仰耳汝帖

南來帖

真卿承命南來諸事草草但賊勢尙爾奈何張貞口
不了國事可念可念真卿忠義堂帖續刻

江外帖

江外唯湖州最卑下今年諸州水並湊此州入太湖
田苗非常沒溺賴劉尙書與拯以此人心差安不然
僅不可安耳真卿白同上

草篆帖

真卿自南朝來上祖多以草隸篆籀爲當代所稱及

至小子斯道大喪但曾見張旭長史頗示少糟粕自

恨無分遂不能佳耳真卿白同上

Blank columns for text on the right page.

唐文拾遺卷之二十

榮祿大夫三品頂戴前分巡廣東高廉道加四級臣陸心源輯

顏真卿 二

元陵儀注

初喪復

將復於太極殿內高品五人皆常服以代行皇帝袞冕服左荷之升自前東雷當屋履危北面西上三呼而止以衣投於前承之以篋自阼階入以覆代行皇帝之上復者徹殿西北扉降自後西雷其復衣不以襲斂浴則去之既復乃設御牀於殿內楹間去腳舒



單簞置枕遷大行皇帝於牀南首以衣覆體去死衣
楔齒用角柶綴足以燕几校在南其殿內東西哭位
嗣皇帝以下舒草薦焉奠用酒脯醢器用吉器如常
儀其告喪之禮使至所在集州縣官及僧道將吏百
姓等於州府門外並素服各以其方向京師重行序
立百姓在左僧道在右男子居前婦人居後立訖使
者立於宮長之右告云上天降禍大行皇帝今月某
日奄棄萬國刺史以下撫膺哭踊盡哀止哭使者又
告云大行皇帝有遺詔遂宣訖刺史以下又哭十五
舉聲使者又告皇帝伏準遺詔以今月某日卽位刺

史以下再拜稱萬歲者三百姓及州縣佐史朝夕巷
哭各十五舉聲三日釋服節度觀察團練使刺史並
斬衰經杖諸文武官吏服斬衰無經杖大小祥釋服
並準遺詔其有勅書使者宣告如常禮

沐浴

將沐浴內有司爲塋於殿西廊下累塊爲竈東面以
俟煮沐浴新盆盤瓶鬲皆濯之陳於西階下掘培於
西階之西陳明衣裳於其側帛巾一方尺八寸沐巾
二浴巾四皆用帛練櫛及浴衣各實於篋將沐浴內
掌事者奉米潘及湯各盛以盤并沐盤升自西階授

沐者以入嗣皇帝妃公主等悉出帷外嗣皇帝以下
在殿東楹間北面西上內命婦以下在殿西間北面
東上俱立哭既沐而櫛將浴內執事者六人抗衾御
者四人浴拭以巾搥用浴衣設牀於大行東衽下莞
席上簞浴者舉大行易牀設枕理其鬚髮斷爪盛於
小囊大歛卽內於棺中也著明衣裳以方巾覆面以
大歛之衾覆之內外入就位哭

合

內有司奉盤水升堂嗣皇帝出盥手於帷外洗玉若
貝實筭執以入西向坐發巾徹枕奠玉貝於中之右

大臣一人親納梁飯次含玉既含訖嗣皇帝復位執
服者陳襲衣十二稱實以箱筐承以席去巾加面衣
訖設充耳著握手及手衣納舄乃襲既襲覆以大歛
之衾乃開帷內外俱入復位哭

小歛

將小歛內外各隨職備辦尚食先具太牢之饌厥明
而小歛於歛前三刻侍中版奏請中嚴御府令設小
歛牀於大行西南首枕席備焉加以幄帷周以素帷
主衣先率所司陳小歛之衣十九稱及絞衾於殿中
間之東席上南領西上小歛前二刻開宮殿諸門諸

衛各勒所部仗衛如常式設百官位次及二王後三恪等位又設內外命婦等拜哭位小歛前一刻侍中奏外辦禮儀使引嗣皇帝及皇子等扶引各卽位從臨者哭內謁者引諸王等進就位百官亦入就位執禮者稱哭在位者皆哭侍御小臣升殿先布衣於絞上乃遷於衣上舉衾而歛以次加衣十九稱畢乃結絞而衾焉近侍扶嗣皇帝哭進跪馮大行興哭踊無數扶引還次

小歛奠

尚食奉饌入列於殿東太常博士引司徒省饌省訖

奉饌升設於大行東齋郎取爵於篚受酒爵跪奠與嗣皇帝以下哭踊如初諸行事者應退者降退奉禮郎稱止謁者引諸王還內省禮儀使奏嗣皇帝哭止近侍扶引退便次內外侍臨者代哭不絕聲百官退位如常式

大歛

其日大歛前三刻侍中版奏請中嚴內外皆哭御府先設大歛牀於大行皇帝西南首枕席幃帳如初所司先陳大歛之衣百二十稱及絞紵衾并六玉於殿兩楹之東席上南領西上衣必朝祭及五時正服前

二刻開宮殿諸門諸衛各勒所部陳設如常儀設皇帝位於殿東間西向前一刻引諸王以下就位皇弟於皇帝位東稍北西向南上皇子於皇弟之東亦南上皇叔在皇帝位北稍西南向西上皇叔祖次皇叔之東皇從父兄弟在皇子北稍東南上諸公主大長公主長公主以下並於西間北牖下西上通事舍人引百寮並入依班序立侍中版奏外辦內高品扶皇帝就位立定典儀曰再拜禮儀使奏請再拜皇帝哭踊再拜在位者皆哭踊再拜十五舉聲禮儀使奏請止哭內外皆止哭內高品扶皇帝就次諸王公主以

下百寮各就次中宮內官掌事者皆盥訖升歛如小歛次加衣畢乃以組連珪璋璧琮琥璜六玉而加焉所司以梓宮龍輶紼等入陳於殿西階下至時司空引梓宮升自西階置於大行皇帝西南首加七星版於梓宮內其合施於版下者並先置之乃加席褥於版上以黃帛裹施仰薨畫日月星辰龍龜之屬施於蓋陳衣及六玉歛訖中官掌事者奉大行皇帝卽梓宮內所由先以白素版書應入梓宮內一物以上稱名進入梓宮然後加蓋事畢覆以夷衾

大歛奠

皇帝至位哭內外皆就位哭太祝酌酒進授皇帝執爵進奠於饌前少退禮儀使奏請止哭內外皆止哭大祝跪讀祝文曰維某年月日哀子嗣皇帝臣某敢昭告於考大行皇帝日月過速奄及大歛攀號擗踊五內屠裂謹以一元大武柔毛剛鬣明棗薌合薌其嘉蔬嘉薦醴齊尚饗讀訖皇帝再拜哭踊在位者皆再拜哭踊十五舉聲禮儀使奏止哭左右高品扶皇帝還次諸王公主以下各還次百寮序出

設銘旌 懸重

大歛訖所司設太常畫日月十有二旂杠九仞旂委

地大歛之後分置殿庭之兩階又設銘旌以絳廣充幅長二丈九尺題曰某尊號皇帝之柩立於殿下設重於殿庭近西南其制先刊鑿木長丈二尺橫者半之取沐之米爲粥盛以入鬲冪以疏布懸於重內橫木上以葦席北向屈兩端交於上綴以竹篾

殯

既大歛內所由執龍輅左右綽引梓宮就西間將監引所由并柏塹等升自西階所由設熬黍稷盛以八筐加魚腊等於龍輅側南北各一筐東西各三筐設訖於西面壘之先以繡黼覆梓宮又張帟三重更以

柏木方尺長六尺題湊爲四阿屋以白泥四面塗之
攢事訖所司設靈幄於攢宮東東向施几案服御如
常儀侍臣捧衰裳冠經杖盛以箱就次進皇帝服訖
諸王公主以下及百寮亦各服其服光祿卿率齋郎
捧饌入禮儀使引升陳設訖禮儀使就位奉引皇帝
至位哭內外皆就位哭

將葬筮宅

既定陵地擇地使就其所卜筮之將卜使者吉服掌
事者先設使以下次於陵地東南使者至陵地待於
次太常卿涖卜服祭服祝及卜師筮師凡行事者皆

吉服掌事者布筮席於元宮位南北向西上贊者引
涖卜者及太祝立於筮席西南東向南上卜師立於
太祝南東面北上贊者引使者詣卜筮席南十五步
許當元宮位北向立贊者立於使者之左少南俱北
向立定贊者少進東面稱事具退復位涖卜者進立
於使者東北西面卜師抱龜筮師開贛出策兼執之
執贛以擊策進立於涖卜者前東面南上涖卜者命
曰維某年月朔日子哀子嗣皇帝某謹遣某官某乙
奉爲考大行皇帝度茲陵兆無有後艱卜師筮師俱
曰諾遂述命於右旋就席北坐命龜曰假爾泰龜有

常命筮曰假爾泰筮有常遂卜筮訖與各以龜筮東面占曰從還本位贊者進使者之左東面稱禮畢贊者遂引使者退立於東南隅西面若不從又擇地卜筮如初儀

啟殯朝廟

啟前十日皇帝不坐以過山陵前啟一日門下省奏某日某時啟太極殿攢宮啟日之晨奉禮郎設御位於太極殿之東間當帷門西向諸王位在後以南爲上典儀設鄴公介公皇親諸親文武九品以上及前資常參官都督刺史版位於太極殿東庭又設蕃客

酋長位於承天門外之西僧道位於承天門外之東並以北爲上左右金吾與諸軍計會量抽隊仗隨便設禁其日質明皇帝服初衰經杖入就位晨哭諸王具衰經去杖入就位晨哭鄴公介公皇親諸親等及文武九品以上各服初喪服去杖入就位哭大長公主長公主郡縣主等亦衰服入就內位哭中官皆布巾喪馭侍衛晨哭並再拜退位通事舍人引蕃客酋長及僧道分立於承天門外之位啟前二刻內所由設奠席及香燭於帷門之外奉禮郎設壘洗於東階下西南北面壘水在洗東篋在洗西南肆設太

尉版位於東南西向設司空位於太尉位之南少退禮生一人執拂梓宮之中陪其後設禮儀使位於太尉之北少退禮官等陪後設監祭使位於禮儀使之下光祿卿具太牢之饌俟於東階下又於饌上設罇坵位於奠席東南北向加酌冪禮儀使立於罇坵東御史立於罇坵西太祝奉禮郎立於罇坵南爲位禮官在禮儀使後啟前一刻侍中版奏外辦禮官贊執事官入就階下位禮儀使等橫行以西爲上再拜訖升就位禮官省饌訖贊光祿卿引饌升自東階列帷門外席上近侍引皇帝具衰經入就位哭踊禮儀使

前進跪奏請再拜皇帝再拜諸王妃主等並各就位晨哭禮生引太尉通事舍人分引羣官各入就位禮官贊太尉再拜又一人贊羣官再拜哭十五舉聲禮官各贊止哭禮生引太尉詣罍洗盥手洗爵升自東階詣罇坵所太祝舉冪酌醴齊以授太尉禮儀使跪奏請皇帝止哭奉皇帝之杖前進中官承傳止哭殿內皆止哭太尉以醴齊於皇帝之左跪進醴齊皇帝受醴齊跪奠於饌前俛伏興少退立太祝持版進北面跪讀祝文訖奠版俛伏興退復位皇帝再拜哭踊殿內及庭中文武九品以上皇親諸親等皆哭十五

舉聲止禮儀使跪奏獻畢請皇帝退復位禮官引太尉及禮儀使降復階下位所由徹饌執事官序降訖皇帝退就次禮生引司空執巾升自東階於櫝宮南北向立司空跪啟曰謹以吉辰啟櫝塗告訖太尉哭羣官皆哭通事舍人分引羣官序出掌事者升徹櫝塗徹訖司空以巾拂拭梓宮覆以夷衾綃幕內所由周迴設帷及施常食之奠如常儀訖禮儀使升就舊位禮官陪後皇帝衰經就位哭通事舍人分引羣官入就位皇帝稽顙禮儀使請再拜皇帝哭盡哀禮儀使跪奏請止哭降出羣官再拜哭十五舉聲訖又序

出太極門外北向重行立班奉慰如常儀退

薦明器

前二日所司設文武羣官次於太極門外東西廊下又設帳殿於庭帳內設吉幄幄內設神座南向又設龍輦素幄於殿庭吉幄之右前一日午正後一刻除殿上葦障及階下凶庭并版城少府所由移旒附於重北未正後一刻典儀設羣官夜哭版位如晨夕哭儀又設挽歌席位於嘉德門內設挽郎挽士席位於嘉德門外並左右序設北向相對設鼓吹嚴警位於承天門外晝漏未盡三刻有司設庭燎終夜通事舍

人分引羣官就版位立定禮官贊哭哭畢退就次挽歌作盡二點止嚴警次發盡五點止二更羣官皆哭及挽歌鼓吹嚴警如上儀其三更四更五更並準此其一日前二刻奉禮郎設御座所由設奠席奉禮設罍洗及禮儀使太尉版位於東階下光祿卿具太牢饌並如啟奠之儀前一刻侍中進奏外辦禮官省饌光祿卿引饌禮生引太尉禮儀使等橫陳再拜訖升殿通事舍人分引羣官入就位亦如啟奠之儀禮儀使跪奏請皇帝止哭奉奠皇帝去杖前進中官承傳止哭殿內止哭太尉以醴齊於皇帝之左跪進皇帝

受醴齊跪奠於饌前俛伏與少退立太祝持祝版進北面跪讀祝文訖奠版俛伏與退復位皇帝再拜哭踊殿內及庭中文武官九品以上皇帝諸親等皆哭十五舉聲止禮儀使跪奏獻畢請皇帝退復位禮官引太尉降復階下位所由徹饌執事官序降內所由徹殿上帷帳唯南北施素帷於舊帳座所以爲障蔽前設常食少府監進輜車於西階下禮儀使跪奏皇帝奉甯龍輜奏訖降出近侍扶皇帝就龍輜前哭踊盡哀乃復位執事者以燾旒及重先導禮官一人朝服贊尙輦奉御帥腰輿繖扇至神座前侍奉如常儀

內侍捧几置輿上繖扇侍奉至殿庭帳殿下神座前
跪置座上內謁者帥中官設香案於座前繖扇侍奉
如儀禮官一人引符寶郎一人主寶二人以赤黃褥
案進取諡寶又禮生二人亦以赤黃褥案進取諡冊
禮官授之並隨禮官先詣冊車安置其舊寶冊準次
取置於車侍中當龍輜南跪奏請龍輜降殿太常卿
帥執翼者升以翼障梓宮中官高品等侍奉其側司
徒帥挽士升奉引龍輜降殿禮儀使引近臣及宗子
三等以上親進梓宮少府將作所由並挽士奉梓宮
登於龍車上遂詣帳殿下素幄皇帝哭從諸王等陪

從公主內官等周以行帷皆哭踊而從羣官立哭於
庭中位以俟祖奠

祖奠

祖前一日奉禮郎設御位於龍輜幄之東南西向所
由設奠席於龍輜幄前奉禮郎設罇站於帳幄東南
又設太尉位於罇站東南西向禮儀使在其下監察
御史次之又設壘洗筐於太尉位西南北向光祿卿
帥齋郎捧饌俟於橫街之次北面西上禮官進省饌
訖禮生贊光祿卿捧俎進跪奠於席上諸齋郎捧饌
隨列於席上禮生引禮儀使及太尉就位禮官贊哭

又一人贊羣官哭又各贊止哭禮儀使導皇帝立於龍輅之東南西向禮生引太尉詣盥洗盥手洗爵執詣罇坫所太祝舉鷄酌醴齊以授太尉禮儀使跪奏請皇帝止哭奉奠皇帝去杖前進中官承傳止哭諸王妃主等皆止哭太尉以醴齊於皇帝之左跪進皇帝受醴齊跪奠於饌前俛伏興少退立太祝持祝版進北面跪讀文訖奠版俛伏興退復位皇帝哭踊再拜諸王妃主及羣官在位者皆哭再拜皇帝哭十五舉聲訖禮儀使跪奏請復位俛伏興皇帝退復龍輅後位禮官各贊羣官止哭通事舍人分引出就承天

門外位以俟光祿卿帥齋郎徹饌以出禮官一人朝服贊尙輦奉御帥所由以腰輿繖扇詣神座前各以序立內謁者中官舁香出內侍捧几置輿上內所由舉繖扇侍奉以出中官帥其屬舁衣箱以從遂詣玉輅禮官於輅後立贊登車內所由進輿當輅後繖扇分蔽左右內謁者帥香案進於輅前內侍奉几登輅其腰輿亦進居輅前中官以衣箱授尙衣奉御置玉輅及副車內侍並乘馬從輅於是侍中進龍輅南跪奏稱請龍輅進發俛伏興退司徒帥挽士奉引次出執事者以太常先建之旂車薰次之公主內官以下

應合乘車者並先升車以俟扈從

遣奠

前三日所司設皇帝奉辭次於承天門外之左西向
其日金吾仗衛如常儀鹵簿使先進玉輅於承天門
外東偏稍南輿輦鼓吹吉駕鹵簿並序列於玉輅前
又進輓輓車當承天門中稍南凶儀明器序列於輓
輓車前奠前一刻奉禮郎布文武羣官位於承天門
外異位重行如太極庭中儀光祿卿具遣奠之饌以
俟執事官位並先俟於門外之東龍輶至承天門外
禮官贊止哭侍中進龍輶前跪奏稱請升輓輓車俛

伏興司徒帥昇梓宮官及所由奉梓宮升輓輓車所
司設奠席於輓輓車東西向奉禮郎設罇坫於席東
南設罍洗又於其南設太尉版位於東西向禮官進
省饌訖禮生贊光祿卿捧俎進跪奠於席上諸齋郎
捧俎隨列於席上禮生引太尉就位禮官贊哭在位
者皆哭又贊止哭在位者皆止哭禮生引太尉詣罍
洗盥手洗爵詣罇坫所太祝舉纂酌醴齊禮儀使就
次奏請皇帝出就次皇帝出次立於奠東西向太祝
以醴齊授太尉訖禮儀使奏請皇帝去杖前進中官
承傳止哭諸王妃主等皆止哭太尉以醴齊於皇帝

卷二十一
之左跪進皇帝受醴齊跪奠於饌前俛伏興少退立
太祝持版進西北向跪讀祝文訖奠版俛伏興退復
位皇帝哭踊禮儀使贊皇帝再拜諸王妃主及在位
羣官等皆哭禮儀使跪奏請皇帝少退近侍扶皇帝
少退於位少府監設讀哀冊褥於奠東禮官引冊案
進舉冊官舉冊進至褥東西而以冊東向禮官贊太
尉及羣官止哭中官承傳諸王妃主皆止哭禮官引
中書令進跪讀冊訖俛伏興退復位舉冊者以授祕
書監轉授符寶郎皇帝哭踊禮儀使奏請皇帝再拜
太尉羣官諸王妃主皆哭再拜少府徹褥光祿徹饌

訖禮儀使跪奏稱輜輶車將發皇帝前哭盡哀禮儀
使稱再拜奉辭俛伏興皇帝稽顙哭踊再拜輜輶車
發禮儀使跪奏請皇帝還宮俛伏興近侍扶皇帝入
次太尉以下於次南橫行進名再拜奉辭訖各就本
職如諸王有故不赴山陵者俟皇帝奉辭入次後諸
王進至輜輶之左以南爲上哭盡哀再拜辭妃主內
官不去者於輜輶車後帷中哭再拜辭訖禮生贊侍
中於輜輶車前跪請進發訖俛伏興

葬儀

山陵日依時刻吉凶二駕備列訖尙輦帥腰輿繖扇

入詣神座前內侍捧几內謁者捧香爐各置輿上中
官帥其屬舁衣箱以出神輿至玉輅後內常侍捧几
置輅中輿等退就列中官以衣箱傳授尙衣奉御置
於玉輅及副車中神駕動警蹕如常千牛將軍夾輅
而趨至侍臣上馬所禮生贊侍臣上馬侍臣上馬訖
夾侍如前禮生在供奉官內諸侍衛之官各督其屬
左右翊神駕動鹵簿官以黃麾麾之鼓吹振作警蹕
如常當陵門以赤麾麾之鼓吹不作侍臣下馬步導
於前駕至吉帷宮迴車南向尙輦帥腰輿繖扇至輅
後內常侍奉几置輿上繖扇侍奉至帳殿下內侍捧

几置座上內謁者捧香爐置座前輿等退就列玉輅
及鹵簿侍衛之官停列於帷宮門外吉駕引禮官贊
侍中進輶輅車靈駕前奏請靈駕發引俛伏輿退司
馬執鐸挽郎執紼挽歌振作及挽以進內外哭從以
赴山陵靈駕至陵門西凶帷帳殿下迴駕南向公主
及內官以下並降車障以行帷哭於凶帳殿之西東
向北上羣官皇親哭者序立於帷門外東西相向北
上哭十五舉聲止各退就次前三刻奉禮郎於隧道
東南量遠近設皇親諸親奉辭位又於其南設應從
文武官五品以下奉辭位又於其南設六品以下奉

卷二十一
辭位每等異位重行西面北上設奉禮郎位於其北
禮生二人立於其南差退內謁者於隧道西南稍北
帷內設公主王妃及內官以下奉辭位東向北上前
一刻所司設奠席於輜輳車前設罍洗篚於東南罍
在洗西篚在洗東於是羣官列位序立光祿卿帥其
屬以饌奠於席上禮官引太尉詣罍洗盥手洗爵詣
罇坫所太祝酌醴齊訖太尉跪奠於饌前俛伏興太
祝持版進太尉之左跪讀文訖奠版俛伏興太尉再
拜在位者皆再拜發引至南神門將作監進龍輅於
靈駕之後禮官贊侍中進輜輳靈駕前跪奏稱請降

靈駕御龍輅俛伏興退昇梓宮所由乃奉遷梓宮至
龍輅昇梓宮官左右捧從司空以巾拭梓宮并拂夷
衾少府屬紼於龍輅禮官贊侍中進龍輅前跪奏稱
請引龍輅卽元宮俛伏興退挽郎執紼奉引龍輅左
迴北首禮官贊司徒前導白幟弩素信幡大旒及翼
皆依次而引近伏近侍夾進如禮官導通事舍人引
太尉先導於龍輅之左主節官帥持節者脫節在太
尉之前差退代哭者及挽歌皆序立門外之西重行
東向押官排比以俟皇親諸親羣官等哭從公主王
妃及內官等障以行帷龍輅至羨道停於帷下南首

卷二十一
以俟時妃主內官以下於羨道西南帷內就位東向
哭通事舍人分引羣官皇親諸親各就奉辭位所由
各贊哭在位者皆哭其吉鹵簿侍奉官少前序立於
門外之東西向北上哭皆三十舉音止再拜奉辭至
時內官以下吉服奉遷梓宮入自羨道奉接安於御
榻褥上北首覆以御衾龍輅退出其押吉鹵簿官並
服白布巾衫就哭將掩元宮并依前服吉服初梓宮
降自羨道奉禮郎設太尉進寶冊贈玉幣位於羨道
東南西向設禮儀使奉寶冊玉幣位於太尉南又設
祕書監位於其南禮官導通事舍人引太尉以下俱

吉公服各就位又導持節者服節衣引太尉之前禮
部侍郎奉寶綬案諡冊案哀冊案每案四人對舉立
於太尉之西南少府監奉贈玉置於匣帥其屬捧立
於禮部侍郎之西太府卿奉幣元三纁二置於篚帥
其屬捧立少府監之西俱北面各立於寶冊玉幣之
後立定禮官導通事舍人引禮部侍郎取寶綬於案
進授太尉又禮生一人引祕書監取諡冊哀冊進授
禮儀使又引少府監取玉於匣并薦巾又引太府卿
取幣進授禮儀使以幣承巾玉禮部侍郎以下並退
龍輅既出禮儀官分贊太尉禮儀使奉寶冊玉幣并

降自羨道至元宮太尉奉寶綬入跪奠於寶帳內神
座之西俛伏興禮儀使以謚冊跪奠於寶綬之西又
以哀冊跪奠於謚冊之西又奉玉幣跪奠於神座之
東並退出復位禮生引將作監少府監入陳明器白
纓弩素信幡翼等分樹倚於牆大旒置於戶內陳布
訖并內官以下並出羨道就位所由贊內外哭羣官
皇親諸親并吉儀侍奉官皆哭三十舉聲再拜又再
拜奉辭訖引退以出中官贊公主王妃並退出周以
行帷至門乘車以扈從禮生導主節官帥持節者引
太尉及司空山陵使將作監御史一人監鑠閉元宮

司空復土九鍤所司帥作工續以終事其先除服者並改服凶
儀鹵簿解嚴退散輶輅車龍輶之屬於柏城內庚地
焚之其通人臣用者則不焚

虞祭

將啟太祝捧主匱置於座啟匱於前捧出神主置於
座上東向諸侍奉官各退就位輿繖等亦退通事舍
人引羣官俱退於太極殿門外就次以俟虞祭所由
陳仗衛如式典儀設太尉司徒宗正卿禮儀使及諸
行事官位於東階之東設太祝等位於公卿之前少
南又少南設典儀位俱西向典儀帥禮生二人先就

次立禮生乃引太尉司徒以下祭服立於左延明門外之南北向西上光祿卿帥其屬捧饌立於太尉司徒之東太祝帥齋郎奉祝版立於饌東立定禮生迺引太尉司徒以下入就位通事舍人分引羣官皇親諸親皆素服各入就位侍中版奏中嚴皇帝素服就次光祿卿帥其屬捧饌入俟於東階之前太祝帥齋郎捧祝版立於其南光祿卿帥其屬并設醴甌酒罇於帷門外前楹中間之東北向西上設篚於罇西實解一杓一皆有冪設罍洗篚於東階之東北向罍水在洗東篚在洗西南肆實罍二巾一有冪執罍洗者

立於其後侍中版奏外辦近侍扶引皇帝再拜通事舍人分贊羣官在內外位者哭拜禮生引禮儀使省饌訖升就禮官升位後光祿卿帥進饌奉饌司徒捧俎光祿卿引饌及諸執事官並升自東階設於帷東門外席上訖降復位太祝捧祝版升立於罇所執罇篚者各立於罇篚之後禮儀使導皇帝於饌東西面禮儀使跪奏請皇帝止哭奉奠承傳內外皆止哭太祝以解酌醴齊於皇帝之左跪進皇帝受醴齊跪奠於饌前俛伏與太祝持版進神座之南北面跪讀祝文訖奠版俛伏與禮儀使導皇帝復位跪奏請再拜

皇帝再拜禮生引太尉亞獻終獻訖降復位如常儀
通事舍人分贊內外哭再拜禮儀使又跪奏請再拜
俛伏興皇帝哭再拜奉禮郎傳贊內外再拜禮儀使
跪奏禮畢俛伏興近侍扶皇帝還問羣官等俱退太
祝乃跪置神主遂閉帷門降出內侍之屬及行事者
皆出祝版焚於左延明門外百寮乃於太極門外奉
慰如常儀每虞日朝哭禮皆準此

耐廟

耐廟前二日告遷其禮如常告之儀所由先備腰輿
等并舁人告訖太尉先匱代祖神主奉遷於西夾室

坳中鑰閉如式次腰輿遷第三室神主入第二室宮
闈令捧后主先置於坳室太祝奉帝主復置於坳
室俱東向次遷第四室入第三室次遷第五室入第
四室次遷第六室入第五室次遷第七室入第六室
次遷第八室入第七室次遷第九室入第八室皆如
上儀入坳室皆鑰閉訖次所司移幄等物依次各遷
入本室訖其九室應緣幄帳香案斧辰席褥等所司
先造其日陳設於室中其代祖室舊帳幄等物並移
於西夾室中虛設鑰閉如式將遷代宗睿文孝武皇
帝所司先擇日奏定散下所由各供其職應用法駕

鹵簿黃麾大仗前一日陳設及太廟四門量設方色
兵仗如上儀將作監先清埽廟之內外京兆府修路
從承天門向南至太府寺南街向東入太廟三門又
向南又向東至廟南門宗正具耐饗料差三公及應
行事官齋戒如常饗儀又申太極殿告靈座料如前
式太樂令設登歌於太廟殿上並如常式尙舍於廟
南門道西設神主幄座東向幄內設牀席褥黼辰香
案如式內中尙先造栗木主并匱及跌褥前一日盛
以箱覆以帕置於腰輿詣廟南門幄帳中太祝捧置
於座上迺下簾帷內侍省量差中官侍衛禮儀使奏

請差題神主官卽以饗前一日尙舍具香湯并題神
主席褥內中尙具浴神主盆并白羅巾光漆筆墨等
詣於幄帳中禮儀使與題神主官等其日質明詣幄
下太祝以香湯浴栗主拭以羅巾題栗主官盥洗捧
栗主就褥題云代宗睿文孝武皇帝神主墨書訖以
光漆重模之遂捧授太祝受詣帳座置於匱中所在
侍衛如式前一日尙食與西內使計會鴻臚除太極
殿上白幕並以吉幙代之殿中省除版城太僕進玉
輅於承天門外當中南向及諸輦輅羽儀仗衛繖扇
陳設於玉輅前左右金吾引駕所由陳布如式太常

卷二十一
三
奏前一日之夕嚴警於承天門外之南皇城留守奏
耐饗日質明開朱雀門大內留守與內檢校使奏開
太極殿門嘉德門承天門衛尉於太極殿門外廊下
量設文武百官次又於太廟南門外量設百官次於
道東如在太極殿庭儀先奏靈座耐之日質明宗正
卿帥執饌齋郎光祿卿帥太官良醞實罇俎籩豆并
應行事官皆祭服序列於左延明門以俟至祭時應
行事官詣太極殿東階下西向序立典儀於太極殿
庭布文武官皇親諸親位如常儀俟祭官欲升殿行
事時通事舍人引文武百寮等常服入就位禮生贊

眾官再拜在位者皆再拜尚輦帥腰輿香案繖扇入
詣殿庭階下分東西立侍從官攝侍中中書令以下
並列位於左右序立太僕進玉輅於嘉德門外當中
南向禮生引祭官等行告禮如常儀告訖宗正卿光
祿卿帥齋郎長祠徹饌禮官引侍中升尚輦帥腰輿
升詣帳座前共繖扇侍臣等夾於階間侍中進跪於
帷前西向奏請降座升輿耐廟內侍奉几置輿上太
祝匱神主捧置輿上几後扶持降自西階繖扇侍臣
夾引以出自太極殿門中門出在位文武百官及皇
親諸親等便從神輿而出至嘉德門分左右序立神

輿至玉輅後侍中跪奏請降輿升輅內侍捧几置輅
中太祝奉匱升輅千牛將軍夾輅而趨出承天門五
十步侍中進當輅前跪奉請敕侍臣上馬侍臣等皆
上馬鼓吹振作其文武百官等候玉輅出承天門各
逐便路先赴太廟南門次以俟神輿鹵簿至廟門西
三門鼓吹止分左右以俟饗禮訖退其儀仗等並於
廟南門分左右列位俟饗禮畢退玉輅既發赴廟尚
舍收拆殿上帷幄及版城等應合收者與檢校使計
會處置其日太廟耐饗應緣齋戒齋官陳設罇彝酒
醴坩爵省牲告潔進署祝版陳設樂器並如東嚮常

儀玉輅將至廟西門尚舍奉御設奉謁褥位於廟庭
橫階南當中北向奉禮郎於廟南門外稍南設文武
百官及皇親諸親位如太極殿庭之儀又於廟庭橫
階南設文武百官及皇親諸親位亦準此通事舍人
引文武百官及皇親諸親等常服就南門外位禮生
引應饗官俱祭服立於廟東門外北向西上位立又
禮生引禮儀使御史以下執事官等先入當中階北
向立於褥位之南禮生贊再拜禮儀使御史以下皆
再拜訖引自東階升各就位次引司空入就位再拜
行掃除訖降復位禮官與太祝自西第一室開埒室

捧神主匱置於幄中近東啟匱出神主捧置於座几後跌上次宮闈令入室捧后主匱置於幄中近西啟匱出后主置於座几後跌上自第一室至第八室皆如上儀訖並齋郎室長各於本室依儀出入須知次序太祝退立於罇站所宮闈令退就階下執事位玉輅既至廟南門迴輅南向侍臣等序列於輅前神輿入幄則侍臣立於幄門外尙輦帥腰輿進輅後侍中跪奏請降輅升輿詣幄座內侍捧几置輿上太祝捧神主匱置輿上几後遂昇詣幄座內侍捧几置座上東向太祝捧匱置几後訖禮生於廟東門引行事官

太尉以下入就廟庭位西向立其殿上御史禮官太祝樂官等各逐便自東西階上相向序立候神主升殿却復階下位侍中進於幄座前跪奏請降座升輿耐謁內侍捧几置輿上太祝捧栗木神主匱置几後禮官引入通事舍人引文武百官皇親諸親自南門外分左右從入就東西班位立神輿至廟門繖扇分左右立於門外神輿至廟庭褥位侍衛各退就本班太祝捧匱跪置於褥啟匱出神主置於趺上訖侍中進於褥位西北面跪奏稱以今吉辰代宗睿文孝武皇帝耐謁奏訖俛伏興退少頃侍中詣褥之西東向

跪奏請升輿耐饗俛伏興退降就本班太祝進跪於
褥位捧神主匱於輿腰輿既升禮官奉引神輿詣元
宗室太祝跪捧神主匱置東壁下耐位褥上西南退
立戶外少頃太祝進就褥跪捧神主置於輿奉引入
第九室至帷座前內侍捧几置於幄太祝捧神主置
於曲几後踏上其匱置於几東近後腰輿退於幄座
之西近北鼻腰輿所由並降自東階由廟東門出神
主置座訖禮生贊再拜太尉以下及應在位官並再
拜禮生詣太尉之左白有司謹具請行事登歌奏永
和之樂九成畢禮生贊再拜太尉以下及在位者

再拜禮生引太尉盥洗執瓚升詣從西第一室酌鬱
鬯登歌作太尉入室神座前裸訖奠瓚於饌席俛伏
興退出戶北向再拜次引詣第二室次引詣第三室
次引詣第四室以至第九室皆如上儀訖登歌止引
太尉降復位太祝奠毛血之豆禮生引司徒執俎入
自正門俎初入門雍和之樂作饌升階樂止禮生徹
毛血之豆降自東階以出詣太祝取蕭蒿焚於爐炭
饌升設訖齋郎降自東階由廟東門以出禮生引太
尉盥洗執鬯奏自第一室至第八室各奏本室樂至
第九室奏保太之樂行饗禮亞獻終獻並如常饗之

儀訖降復位登歌作太祝各入室徹豆還罇所登歌
止禮生唱賜胙又唱再拜眾官應在位者皆再拜共
獻官不拜永和之樂作禮生又唱再拜在位者皆再拜樂
一成止禮生進太尉之左白禮畢禮生引饗官自東
門出通事舍人引在位羣官南門出太祝入室各匱
神主納於埽室如常儀禮官帥腰輿詣廟門南幄下
太祝捧桑木主并匱置於輿遂自廟門南西偏門昇
入詣廟殿北簾下兩階之間將作先具鍬耨穿坎方
深令可容木主匱遂埋之而退明日百寮及皇親諸
親詣延英門進名奉慰如常儀

小祥變

前二日內所司先具八升練布冠衰裳腰經等光祿
卿具太牢饌宗正進署祝版前一日之夕毀廬爲聖
室尚舍奉御設蒲席於室內內所由陳練冠於別次
其日依時刻內所由先入整拂几筵薦香燭於靈前
內外及百寮俱服衰服去杖通事舍人引就位侍中
版奏外辨皇帝服衰裳經去杖近侍扶就位西向哭
內外在位者皆哭十五舉聲禮儀使奏請再拜皇帝
再拜內外在位者皆再拜近侍扶皇帝就次所司以
練布冠衰裳進內服訖內外及百寮各服其服通事

舍人引百寮入就位立定近侍扶皇帝就位哭踊內
外百寮皆哭踊光祿卿引饌升設於靈幄前太祝以
爵酌醴酒禮儀使奏請止哭內外俱止哭太祝以酒
爵授禮儀使禮儀使受酒跪進皇帝受酒跪奠於饌
前俛伏興少退太祝持版跪於饌前近南北向讀祝
版曰維年月日子哀子嗣皇帝臣某敢昭告於考大
行皇帝天禍所鍾攀號無及以日易月奄及小祥煩
寃荼苦觸緒糜潰謹以一元大武柔毛剛鬣明粢薌
合薌其嘉蔬嘉薦禮齊祿薦祥事尙饗讀訖禮儀使
奏請再拜皇帝哭踊再拜內外在位者皆哭踊再拜

皇帝還次通事舍人引羣官退其奉慰如常儀

大祥變

祭前二日內所司先具大祥服光祿卿具太牢饌宗
正進署祝版前一日之夕將作塗聖室內所由陳大
祥服於別次其日未明內所由先整拂几筵薦香燭
於靈幄前內外百寮俱服衰裳去杖至傳點時通事
舍人各引入就位侍中版奏外辨皇帝服衰裳去杖
近侍扶就位西向哭踊內外在位者皆哭踊十五舉
聲禮儀使奏請再拜皇帝再拜贊者承傳內外在位
者皆再拜訖禮儀使奏請止哭就次變服奏訖與禮

卷二十一
官等趨出近侍扶皇帝就次變大祥服內外百寮皆
就次變服素服訖各入就位立定近侍扶皇帝就位
哭踊禮官省饌光祿卿引饌升設靈幄前太祝執爵
酌醴酒禮儀使奉引皇帝稍進詣饌前禮儀使請止
哭內外俱止哭太祝以酒授禮儀使禮儀使受酒跪
進皇帝受酒跪奠於饌前俛伏興少退太祝持版於
饌前北向讀祝文訖禮儀使奏請再拜皇帝哭踊再
拜贊者承傳內外在位者皆哭再拜十五舉聲禮儀
使奏禮畢與禮官等趨出近侍扶皇帝還次通事舍
人引羣官序立太極門百寮奉慰訖以素服詣延英

門起居

禫變

其日百寮早集西內入就位侍中奏辦並如大祥之
儀皇帝服大祥服近侍扶就位哭十五舉聲禮儀使
奏請再拜皇帝再拜贊者承傳百寮在位者皆再拜
禮儀使奏請就次變服皇帝就次除大祥服服素服
百寮趨入就位立定近侍扶皇帝入哭踊內外百寮
皆哭踊禮官省饌光祿卿引饌升陳設酌奠亦如大
祥之儀太祝讀祝文訖禮儀使奏請再拜皇帝哭再
拜贊者承傳內外百寮皆哭再拜訖禮儀使奏禮畢

遂與禮官趨出近侍扶皇帝還次通事舍人引百寮
序出至太極門外進名奉慰訖各服黻公服便詣延
英門起居明日平明皇帝改服黻吉服其百官黻公
服至山陵事畢乃服常公服

通典

案元陵代宗陵名代宗以大厯十四年十月己酉
葬元陵真卿為禮儀使殷亮撰真卿行狀云今上
諒闇之際詔公為禮儀使先是元宗以來此禮儀
注廢缺臨事徐創公惟搜禮經執直道而行己今
上察而安之前後取定儀注合門生左輔元編則
此儀注為真卿所定無疑舊唐書藝文志有真卿

禮樂△十卷此即禮樂△之一也

續漢書卷二十一

